



СПОРТ

ГалгIайчен кьонача латархоша 24 майдилг яьккхар, Шолжа-ГIалий тIа дIайихьача яхьашка

16



ВАЙ ЛОАЛАХОШКА

ГалгIайчен артисташ хилар, Нальчике КБР паччахьалкхен Ди дездеча

15

СЕРДАЛО

WWW.SERDALO.RU

ГIАЛГIАЙ МЕХКА КЪАМАН ЮКЪАРА ГАЗЕТ

№34 (12761)
Тов
бутт,
10 ди, 2026 шу



Газет арадувл 1923-ча шера майтсела бетта 1-ча дийнахьа денз

1973-ча шера «Сердало» газета «Сийлен хьарак» яха орден енай

ВЫБОРЫ ДЕПУТАТОВ
ГОСУДАРСТВЕННОЙ ДУМЫ
РОССИЙСКОЙ ФЕДЕРАЦИИ
И ДЕПУТАТОВ НАРОДНОГО СОБРАНИЯ
РЕСПУБЛИКИ ИНГУШЕТИЯ

2026
18 19 20
СЕНТЯБРЯ

ТВОЙ ГОЛОС – СИЛА РОССИИ!



ГОВЗАНЧАШ

ГалгIайчен таьрахьий дерIаахара Академе кхо шу дизад


3



ПАЙДАНЕ БУВЗАМАШ

НКОца бувзам чIоагIбергба моттигерча «ЦаI йолча Россе»

6



ХОРЖАМАШ

ГалгIайчен единоссаша шоай хоржамий программа чIоагIйир

8



КУЛЬТУРА

Магасе дIахьош ба суртанча йолча Цисканаькъан Тамарай гойтам

11

@gserdalo

vk.com/gserdalo

Дзен сердало

www.serdalo.ru



Хургдар вайх
хIаранех тийша да
ГалгIайчен Кулгалхочо, кьoаношца кхетаче
дIахьош, дийцар мехка хьал лорадарах

2



Котало
гаргакхувлаш

СВО бIухошта машинаш дIалуча кхетаче, дакъа лоацаш хилар вай мехкада Келаматанаькъан Махьмуд-Iаьла

4

Хургдар вайх хларанех тийша да

Галглайчен Кулгалхочо, кьоаношца кхетаче длахьош, дийцар мехка хьал лорадарах

Газданаькъан Ахмад

Келаматанаькъан Махьмуд-Іаьлас дийцар, Галглайчен Кулгалхочунна чуйоагІаца кьоаной Кхелаца республика дегІайоалайра дешаш. Кхетаче хетаяь яр кагирхошта кхетам балара, гІалгІай мотт лебара, наькъа кхерамзле лораяра, ЖКХ, дешара даькъ тІара хьал тоадара. Кхетаче хьаеллаш, мехка Кулгалхочо белгалдир, юкъярлон цхьоагІо хилийгара кьоаноша юкьедахьаш дола дакъа лоархІае хилар. Цо тІатехар, администраце вахара дешаш кхоачашдара кІезига да паччахьалкхено, ишколо, дезалаша, юкъярлоно цхьана болх длахьош хилар.

«Аз сатувс шуга. Сона лоархІае да керттера декхараш цхьана кхоачашдеш хилар. ВоккхагІчун дош масахана хиннад дозал долаш, лоархІаш. Цудухьа кьоаноша кхоачамбоацараш хиларах дийца а ца Іеш, кагирхошца къамаьл де деза, уж дІакхетабеш, царна хьалхадоккхаш, цу тайпара уж юстардоахача дакъа лаца деза», - аьлар Махьмуд-Іаьлас.

Кхетаче длахьош дийцар дешара даькъ тІара дешаш. ТІехьарча хана ГалгІайче хьалгъаьй 49 ишкол, 51 берий беш, из бахьан долаш республике цхьаккха а ишкол кхаьсменах болх беш яц (шин сменах йолаш а 30% ишколш мара яц), иштга берий бешамашкара хьал а аттача даьккхад, уж кхоачам болаш хургйолаш. Республике йоккхий гІишлош хьалгъяха кхалнаха 9 эзар балха моттиг хилар. Бакъда цу тІехьа кхоачам а баь, саца хьашт дац. Республике бераш тІакхеташ доагІа, цудухьа дезал хьаллоацаш дола хьалаш хьакхоллаш хила деза дІахо а.

Доакъашхоша цхьа барт болаш дийцар, наьна мотт дезала юкьера хьабоагІаш хила безарах, тІаккха мара из ишколе чІоагІбеш цахилар белгалдир. Келаматанаькъан Махьмуд-Іаьлас белгалдир из Іаьдала хьалхашка латта декхар хилар, паччахьалкхено дІахо а шийгара новкъостал дергда цу даькъ тІара проект хьаллацара, аьлар цо, бакъда мотт кІалхарабаккхара цхьаккха книжка е закон пайдана дац, нагахьа санна цу меттала вай къамаьл деш ца хилча. Из хаттар вайна цхьана мара кхоачашде могоаргдац.

Къаьстга йола терко тІаяхийтар кхетачен доакъашхоша, кагирхошта юкье тахан латтача хьала. Из дар тахан яржаш йоагІа наркомани, наькъашка лелара бокъонаш телхаеш хилар, иштга юкъяра боарам лорабеш цахилар чулоацаш.



Из хьал аттача даккхара, наркоманена духьала къовсам лоаттабара, кьоаноша белгалдир; хоамий-кхетам балара болх дІабахьа беза, аьнна. Хьехам бу кхетаченаш дІаяхьа еза дешара моттигашка, дина урхалленашка, доал деча даькъ тІа, цу юкье кагирхой даьй-ноаной дакъа лоацаш а хургболаш. Кхоачамбоацараш дувцача моттигашка къамаьл деш, масал гойташ хила беза наха юкье лоархІаш бола нах.

Къаьстга терко тІайохийташ дийцар, хьоалчагІан моттигашка замеша леладу ийрча гІулакхаш. Кьоаноша белгалдир, уж моттигаш яржаш хилар, наькъа бокъонаш лораци еш, каст-каста уж хатараш нийслуш хилар.

ХьоалчагІан тоабаша цхьаккха тайпара наькъа бокъо лораци еш, машиний кораш баьддаь, машинаш сиха хеккаш моттигаш я, цудухьа цар кхьича, бехке боацача водителашта, гІашлошта новкъарло ю. Из доацаш а, ГИБДД инспектораша яхар де тугаш а хилац, закон лораде раьза а бац уж санна бола нах.

Из хьал дувцаш, ГалгІайчен Кулгалхочо терко тІаяхийтар, из хаттар кхоачашдара бокъонаш лораяра органаш а юкьера. Республикан Кулгалхочо аьлар, хьалхарча арІагІа нах шоаш ба сакхетаме хила безараш, иштга наькъа бокъоний культура лораш хила беза, царна ха деза законо дІадехар кхоачашде дезилга.

Къамаьл деш хиннараша лаьрхІар; хьоалчагІашка лелача машинашта лаьрхІа боарам оттабе, аьнна. Цу юкьедоагІа замелха йолха машинаш тІахьожам болаш, борам болаш хилар, иштга ПДД оагІорахьа а тІахьожам лакхбе беза. Республикан Кулгалхочо белгалдир; моллагІа дола хаттар бокъоно дІадехача

беса кхоачашдеш хила деза, аьнна.

Кхьа кІезигагІа лоархІае доацаш дар, республикан доазон тІа, дин дешара моттигашка беча балхаца дувзаденнар а. Келаматанаькъан Махьмуд-Іаьлас белгалдир, республике дин гІулакхаш леладар ший бІарчча бокъонаш йолаш да, бакъда моллагІа дола кхетам балара дешар законо дІадехар лорадеча боарам тІа хила деза. Динца дувзаденна дешар деша моттигаш, центраш декхарийла я шоай болх лаьрхІа йолча дешара бокъонашка хьежжа дІабахьа. Массайолча моттиге хила еза цхьоагІо.

Къаьстга йийцар республикан вахара-коммунальни балха оагІув. Из хаттар дувцаш белгалдир, газых, хих, электроэнергех боагІаш бола мах хьагулбе безарах.

Совета доакъашхоша аьлар; из болх дикагІа дІахьош хила беза, аьнна.

Цу юкьедоаладир из хьаьцаш йола моттигаш дукхагІа йоаржаяр, наха коммунальни хьалех дола декхар дІалуш аттагІа хургдолаш.

ГалгІайчен Кулгалхо раьза хилар юкьедоаладаьча хьалаш доаржадара хаттара, хІана аьлча из лоархІае дош да, цох тийша да республика экономически дегІаяр. Мехкадас яхачох, бахархоша шоай ханнахьа ЖКУ декхар дІалуш хилар - из законо дІадехар кхоачашдаь хинна а ца Іеш, еригача республикан коммунальни оагІув хьаллоацаш юкьедыхьаш дола дакъа да.

ДІахо коммунальни даькъ тІара хаттараш дувцаш, белгалдир йоккхий гІишлоний проекташ хьалгье лаьрхІа хилар. Иштга хьоахадир укх заман таронаш а йолаш, хиш цІендеш йола гІишлош хьалгье езарах, хий чулоацаш дола къаьнара гІирсаш овлангара

хувца дезаш да, аьлар. Келаматанаькъан Махьмуд-Іаьлас белгалдир, уж гІирсаш сиха дергдац. ХІара гІишло экономически пайда бахьаш хургйолаш бе безаш болх ба из, хьалхарча арІагІа из хургья бахархой хьашташ кхоачашдеш, цар дІадехача хаттарашта жоплуш йола гІишло.

Къаьстга къамаьл хилар эггара дагадоалла хаттар дувцаш - кадастра дІаязбар, лаьтан бокъонаш лелаяр. Кьоаноша, къайле йоацаш, дийцар цу даькъ тІа каьхаташца ювзаенна нийслуш йолча халонех, уж хІара денна цу боахамашка наха нийслуш хиларах. ГалгІайчен Кулгалхочо из хаттар цІимхара тІаййцар. Цо тІадиллар из сиха тахкар, иштга къаьстга белгалдир моллагІа дола къайлагІа леладу гІулакхаш могойташ хургдоацилга, бокъонах мара из хила йиш йоацилга.

Кхетаче иштга дийцар гІишлош хьалгъаь ца йолаш хилара дош а тоаде дезарах. Республикан Кулгалхочо тешал дир, хьалха соцаь лаьтта гІишлош шоай арІагІа хІанз хьалгъаь йолаш латташ хилара. Цо яхачох, моллагІа дола хьалдинза латтача цІенга дІадахьа паччахьалкхен ахча республикан зе деш да. Из ГалгІайчен дукхача, бІаьш, эзараш болча бахархошта шоай ханнахьа дІа ца кхоачаш йиса вахара е даькъ тІара майда я.

ЛоархІае терко тІаяхийтар кхетачен доакъашхоша республика экономически дегІаяра, къаьстга мехкара бизнес, моттигера юртбоахам лелабераш хьаллацара. Келаматанаькъан Махьмуд-Іаьлас лакха мах оттабир гІалгІай предприятий, фермерий боахамий, вай заман теплицан йолча таронашта. Цо белгалдир, тахан шоай доалахьара хІама леладарашта, юрт-

боахам лелаберашта керда таронаш яла еза, уж тІаккха хьожаргба шоаш арахецаш йола ГалгІайчен продукци дикал йолаш, лакхача боарам тІа хилийта. Келаматанаькъан Махьмуд-Іаьлас аьлар, цІаькха дІахьош йола кхетаче шерагІа йоаржаяь хургья. Кьоаношца кхетаче длахьош дакъа лоацаш хургба республикан паччахьалкхен, дешара министерствон, МВД викалш. Цо таро лургья цу моттиге декхар тІадилла а, хаттараш сиха кхоачашде а.

Кхетаче чакхйоалаш, Келаматанаькъан Махьмуд-Іаьлас тІахьийхар кьоаной Кхела доакъашхой, дийца керттера хаттараш кхоачашдар гаьнацадакхара. Іаьдал из массайолча оагІорахьара хьаллоацаш хургда, аьнна, тешал дир цо.

Цу кхетачено хьагойтар, дукхагІа дола вахара дешаш цхьан хоадам болча министра кхоачашде могоаргдолаш доацилга. Уж кхоачашдара цхьана хила еза паччахьалкхе, бахархой, юкъярло. Цу дерриганена керте хила дезараш кхо хІама да: шиш бола дезал, лерхІае ишкол, хьаькьал дола доккхагІа дола ноахал.

Келаматанаькъан Махьмуд-Іаьлас хьалхадаьккхар, ГалгІайчен хургдар лорадара хІара цун вахархо бехктокхаме волга. Цо аьлар, цхьан амарашца, соцамашца, аханца республика дегІайоалае могоаргдоацилга кхетаде деза. Республикан хургдар тийша да вай дика тІехье хьалкхейрах; бокъоний культура, закон лорадарах.

Мехкадас аьлар, къаман белгало лораш таро хургьяц, наьна мотт лорабеш ца хилча; хІаьта юкъярлон цхьоагІо лоаттаер дезалера бувзам, вахаре шоайла хьаллоацаш, лерхІам болаш хилар да.



Галглайчен таърахый деглаахара Академе кхо шу дизад

Оздой Ийса

Галглайчен кулгалхочо Келаматанаъкъан Махьмуд-Иаълас шолха цай нийсдаларца даъкъалабийцар таърахъашца деглаахара Академи - дешара моттиго ший-кхо шу далар дезду, иштта безбу Магасерча «Ишкол 21» хьалхара выпускникаш. Укхаз дийша даьлар хьалхара керггера дешар, 71 къонача ИТ-говзанчо хьайцар сертификаташ.

Республике Академи хьакхеллар мецената Гуцаранаъкъан Микаила, массайолча оаглорахьара хьал а лоацаш. Тахан из накъайоалаш

я лакха говзал йола болхлой кийчбарца, цо цъхан дакъ тла влашагтох «Ишкол 21» яха Сбера хьалхале лелаю моттиг, Галглайчен Бизнес-акселератор, балха дакъ тла лакхвалара йола Центр, иштта авторски дешара программаш, цунца цъхана кагирхошта лакхача технологей таронаш хьа а еллаш.

«2024 шера Магасе хьаййлла «Ишкол 21» Къилбаседа Кавказа федеральни куран тла хьалхара я. Укхаз дешаш Галглайчен бахархой хинна лац, вай заман таърахый таронаш караерзае йиш йолаш ба мехка тайп-тайпарча регионашка баха нах. Из хьаййил-

лача хана денз, 3000 совгla сар цу ишколага глолла чакхвалар. 148 сага цига дийша вала-ле болх корабир, царех 66 Академе деглаахара Центра новкъосталца балха эттар.

Выпускникаш болх беш ба МТСе, Яндексe, «Роснефте», «Россеташка», ВГТРК, ГТРК «Галглайче», Россе МЧСе; Галглайчен промышленность, таърахъашца деглаахара Министерстве, Галглай паччахьалкхен университете, иштта кхыча моттигашка. Хлаъта таханара ди лоархIаме да - хьалхара выпуск. Цига деша баьгIараша Юмадир керда дешар, проекташ, тоабашца цъхана болх бар, хьалхашка латта чоалхане дек-

хараш кхоачашдар. Дуккхабараш укхаз хьабоагIача хана IT дакъ тла хIама ховш бацар, тахан хьалхара гIа баьккхар кердача профессена накъаболхаш», - аьлар республикан кулгалхочо.

Келаматанаъкъан Махьмуд-Иаълас белгалдир, укхаз деша багIаш цар хьаййцар, доккхий толамаш дахара наькъ тла накъадаргхилар.

Республикан Кулгалхочо баркал аьлар Гуцаранаъкъан Микаила, цун новкъостал хиннадецаре из проект республике хургъяцар. Иштта цо даъкъалабийцар Академе беррига болхлой, цар лакха къахьегам белгал а беш.

Тохкама комитета болхлой, цу оагIон 19 шу дизарца даъкъалабийцар вай Мехкадас

Баркинхой Мурад

Россе Тохкама комитета болхлой, из оагIув хьакхелла 19 шу дизарца даъкъалабийцар вай мехкадас Келаматанаъкъан Махьмуд-Иаълас. Ший къамаьла юкъе республикан кулгалхочо белгалдир, комитета къахьегамхой нийсхо хьаоттаяра, бокъонаш лораяра тIехьа лоархIаме декхараш кхоачашдеш хьабоагIилга.

Тохкамхой ба хIара денна бахархой бокъонаш лораш, нийса доацар чакх ца доалияташ латтараш. Къаьстта баркал аьлар вай Мехкадас мехкарча Тохкама оагIон хьалха латтача Асхабов Ахьмада, моттигерча тоабанна.

Бокъонаш лораяра тIехьа, цу наха шоай декхараш дизза кхоачашделга белгалдир республикан кулгалхочо. «Шоана тIалатта декхараш тахан аттачарех дац. БоагIача боараме, дог лазаш къахьегаш хиларах баркал хилда шоана», - аьлар вай Мехкадас.

Могаш, маьрша болаш, иразе, беркатаца, шоай гулакхе дукха толамаш доахаш, республикерча бахархой бокъонаш боагIача боараме лораяра тIехьа хьинаре къахьегаш болаш, баха даъкъалабийцар уж Келаматанаъкъан Махьмуд-Иаълас!

ХIама хийцца дIадахийтар

Мехкада: Кагирхой политикан кхоане - къонабарий оагIув хьаллацарца

ГIазданаъкъан Ахьмад

«Хьалхарчар болам» яхача Ерригача Россе юкьарча паччахьалкхен болама 6 эзар кагирхой тIакхийтар, ер шу доладелча денз. Цу гулакхо хьагойт из оагIув дикка баьржа, къонабараша хьаллоацаш болга. «Ерригача Россе юкьарча паччахьалкхен берий, кагирхой «Хьалхарчар болам» яхача моттигерча балха лостам телача кхела кулгал деш хиларах тарра; цу болама кулгалхочунца, къонабарашца касткаста кхетаченаш дIакхухъаш хулсо.

Аз теркалдаьд, уж кийчо лертIа яь, къахьега ловш болга. Къаьстта дега тоам беш да вай кагирхой шоаш тайп-тайпарча оагIонашца дIабовзийта безам болаш хилар. Дешара, спорта, гIо дара, кхоллама, Даьхенцара лерхIам чIоагIбара оагIонашца белгала хила ловш я вай къона тIехье. Тахан «Хьалхарчар болам» яхача оагIон юкъе 51 эзар совгla къонабараш ба мехка. Цъацца кхетаченаш дIаяхьа кийчо еш, шоашкара пайдане хургда аьнна хетараш доаржадеш, деррига а хийла шоаш дIахьом, къахьегаш ба уж. Ишттача оагIонца дIалам къонабараш, моллагIа хIама

бехктокхаме дIадахьа, цъацца болча балха тIа белгала хила, шоашкара пайданедараш доаржаде», - аьлар вай мехкадас Келаматанаъкъан Махьмуд-Иаълас.

«Хьалхарчар болам» яхача оагIонах вай къонача тIехьенна дикка пайда баьннаб ала йиш я тахан майрра. Берашта, кхувш латтарашта чIоагIа лов доккхача гулакхашка цъа дакъа лаца, шоай низаца цъа хIама де. Шоай начIал сомадоаккхаш, майрра кердача наькъ тIа баьнна, гIа баккха аьттув ба цар тахан. Цу болама юкъе хиларо республикера шоай санна уйла, нигат дараш бовзийт царна, толамца болх дIабахьа Юмалу уж. ХIаьта эггара лоархIамегIдар кхыбарашта новкъостал де ловш хилар да, гIо деш йола проекташ йоаржаеш. Галглай дешархоша, геттара разьза болаш, хьаллоацаш гулакх да из тахан.

«ЖIайрахьа кхален «Оаздик» яхача берий лагере, «Къона мехка гIонча» яхача тIема-Даьхенцарча беамаж йолча моттиге ахкан хана «Хьалхарчар болама» тематически ханаш хилар, - белгалдир вай Мехкадас. Царех цъханне вай 26 дешархо Липецки областерча къонабарашца вIаший вовзийтар. Галглайчен истори, култура,

ладаташ, иштта укхазара нах байзар хьаьшашта. РФ эггара хьалхарча Турпала Осканаъкъан Сулумбика хетаяь кхетаче дIайихьар къаьстта. Маьцхали бутт бовш дIайихьар «Мужече» оалача спорта кийчо еча моттиге «Дикал Хьалхарчарца» яха гIо деча тоабай кхетаче. БоккхагIбарашца цунга кийчо еш, программан юкъе дакъа лоацаш дар бераш. Къаьстта дезаделар царна тIема-Даьхенцарча лерхIамах дола «Зарница 2.0» яха, «Хьалхарчар боламо» «Къонача эскарца» дIахьом дола ловзар. Укх шера цу юкъе дакъа лоацаш 15 252 сар вар. ХIаьта из боккхача балха цъа дакъа мара дац».

«Хьалхарчар боламга» гIолла ше дIабовзийта, начIал сомадаккха, вахаре лоархIаме долча гулакхашта юкъе дакъа лаца аьттув ба хIаране. Эзараш къонабараш цу юкъе хьачуухаш хиларо хьагойт вайна, тахан кагирхой шоашта гонахьара хIама дикача оагIорахьа хувца, доккхача толамашка кхача, керда наькъаш хьаделла ловш болга. Вай Мехкадас теркалдечох, таханарча кагирхой политикан хIама къаьстта цу оагIонцарча гулакхех латташ да. Республикан Кулгалхочо белгалдир, паччахьалкхен хьалхашка массахана ши никъ латтил-



га... Хьалхарбар - из хала бац, кхетачен кийча программа дIагойт къонабарашта, цунга гIолла болх дIабахьа. ШоллагIбар - из халагIа ба, бакъда дукха хIама чулаьца ба. Деррига а ше хьаде деза юххьанца денз - проект дагайохар, хьакхоллар, вахаре йоаржаьр. Хьехамчаша дикка къахьега дезаш, сабаре хила безаш болх ба шоллагIча оагIонца бар, бакъда къахьега мегаргдолаш ба из, хIана аьлча чакхе гIадвугаш хургъя. Къонабарий керда ноахал иштта къахьегарах, лаьрхIачунга кхача гIерташ хиларах хьаотташ да.

Шоай вахарера гулакхаш цъханне тоадарга, нийсдарга хьежаш ца а багIаш, Даьхен гулакха ураоттаргбола, къахьега кийча хургбола, хьинаре, кадай нах хургба царех. Республикан, мехка хIама тоадара тIехьа хургйола тIехье я вайна езар. Мехкадас белгалдир, из хIама тоадара республикан кулгалхой дикка къахьегаш хургболга. Тахан мехка гранташ телаш, кхыдолча наькъашка гIолла болх дIахьом, оагIув хьаллоац республикан кхоане сийрда хилийтар тIехьа дукха дикаш доаржаде ловш болча кагирхой.

МагІалбика администраце кулгалхо, наьха дехараш тохкаш хилар, уж бахача моттиге діаваха

Баркинхой Мурад

МагІалбик шахьара ад-министраце кулгал-хо Боканаькъан Мухь-мад, балха инспекци еш, наьха хаттараш тохкаш хилар. Из вахар Базоркин И. цІерагІча №64 йолча цІен бахархой болча. Хьалха, нах тІаэцаш ди долча хана, цар кхайка-рал дир шахьара кулгал-хочунга, шоашта хьал-хашка нийслуш дола коммунални даькъ тІара хаттараш кхоачаш-дар дехаш. Уж латкъаш бар шахьара кулгалхо-чунга лоалаха мах беш йола моттиг хилар ба-хьан долаш, даим сатем байна я, яхаш, иштта контейнераш лоаттаю моттиг воча хьале я, цул совгІа, трансформатора подстанцена юхе дукха нувхаш гульяьй, яхаш, дийцар цо.

«ТІараш хилара хьал тахка новкъостал дерг-да МагІалбик-Шахьара, МагІалбик кхален Роспотребнадзора отделе. Цун кулгалхо Дзараханакъан Адам вера нахаца кхета-че діаьоча. Говзанчаша тІахьожам болх діаьу, цу гІулакха йоагІаш йола чак-кхе ергя.

Контейнераш цигара діайоахаргя. Наха накъай-оалаш а, цох кхы халонаш хургйоацаш а долча даькъ тІа керда моттиг хержар. Трансформатора юхера нув-хаш діаяха аьлар «МагІалбик шахьара хьалаш лоаттаде-ча» МКУ. Цул совгІа, Россете а кхайкарал дергда подстан-цена юхера доазув лорадара хаттар кхоачашдергдолаш», - аьлар «Сердало» газетага Боканаькъан Мухьмада.

Шахьара администраце кулгалхочо бахархошта бар-кал аьлар, цар иштта шоай вахарера хаттараш кхоа-чашдар теркам тІабохийташ леладарах. Цо белгалдир, къаьстта цу тайпара нах хи-ларо таро лу сиха юстардаха кхоачамбоацараш.

Цига бахача хана мел хинна наьха хаттараш балха юкъедоахаргда, уж кхоачаш-дергда цу гІулакха бехток-хаме долча боахамаша. Ад-министраце кулгалхочо, ба-хархоша цхьана барт бир, баь баьннача балха цхьа-на мах оттабергболаш, цу тайпара кхетаче цІаькха а діаяхьа.

СВО бІухошта машинаш діалуча кхетаче, дакъа лоацаш хилар вай мехкада Келаматанаькъан Махьмуд-Іаьла

Оздой Гийса

ТІема операцена юкъе дакъа лоацаш болча вай бІухошта машинаш, иштта кхыйола эшаш йола хІамаш діакхоачийташ кхетаче діаяхьа гулбелар Магасерча Барта майдан доазон тІа. Цига дакъа лоа-цаш хилар вай мехкада Ке-ламатанаькъан Махьмуд-Іаьла, иштта гулбенна-рашта юкъе бар премьер-министр Сластенин Вла-димир, сенатор Илезанаькъан Михаил, Пачча-хьалкхен Думан депутаташ БІарахой Бек-хан, Татре-наькъан Муслим, мехкара керттера федеральни ин-спектор Гудов Залим.

«53 миллион сом мах бола хІамаш яр бІухошка діакхачийтараш. Царна юкъе бар саг чувоацаш гІетташ бола 40 гІирс, 15 ква-дроцикл, УАЗ, «Газель» ма-шинаш, иштта оргтехника. Вай мехкадас Келаматанаь-къан Махьмуд-Іаьлас бел-



галдир тІема аренашка ле-лача бІухой гІулакхага хьа-жар, царна эшаш дола хІама лоаттадеш хилар тахан лоархІамеча, доккхача дек-харех долга», - йоах «Серда-лога» мехкарча Паччахьалк-хера бенача хоамо.

Кердача машиний

діоагІаш, каьхаташ діаделар Мехкадас командираш-ка, тІема тоабашта хьалха латтарашка. Из болх чак-хбаьлча; машинаш, кхыдо-

ла гІирсаш латтача доазон тІа діабаха, царга хьожаш хилар берригаш. Укх денош-ка Іокхоачаргя машинаш тІема операци йолча.



Эбарга-Юртара культуран ЦІа тоадеш діабихьача балхага хьежар сенатор Илезанаькъан Михаил

ГІазданаькъан Ахьмад

Юрташкара культуран оагІонца дувзаденаараш ма хулла тоаде гІерташ къахье-

гаш ба мехка. Мехкадас Кела-матанаькъан Махьмуд-Іаьлас тІадилла декхар кхоачаш-деш, Эбарга-Юртара культу-ран ЦІа тоадеш діахьош лат-

тача балхага хьежар сенатор. ГІишлонхошца къамаьл деш, болх малагІча боараме кхоа-чашбеш ба техкар цо.

«80%-га кхоачаш кийча я ала йиш я из моттиг тахан. Пенаш шаьрдеш, кІалхара кІийле хув-цаш, иштта керда камераш йохкаш, йІовхал, фо лоатта-ду гІирсаш хувцаш къахьий-гад цига. Кхы а діахо кхоачаш-де дезараш белгалдир болхло-ша. Ала деза, тахан цу балха тІахьожам лоаттабеш, лакха терко еш болга мехка. Берри-га болх чакхбаьлча, таханар-ча ханага хьежжа дола культу-ран цІа хинна юртахой гІулакха болх бе доладала дезаш да из», - йоах «Сердалога» мехкарча паччахьалкхера бенача хоамо.

Юрта бахача наха чІоагІа лоархІаме хувцамаш да тахан хулаш латтараш. ЛерттІа тоа-даь латтача культуран цІагІа кагирхой, бераш тІалатт, къа-ман Іадаташ, гІулакхаш ло-радара, доаржадара тІехьа болх лоаттабу, лоархІаме кхе-таченаш діаяхьа юртахой влашгІбетталу.



Дешара шу дIадоладе берашта гIо дир Къаман фронто

ГIазданаькъан Ахьмад

Дешара шу дIадоладеш, хьалхара гургал техар мехкарча ерригача ишколай коашка. Делаш долча берий гIар латт тахан массанахьа, классашка ший тайпара болх эттар. ЧIоагIа лоархIае да дешара шу дIадоладеча берий оагIув хьаллацар, царна гIо де хьажар, дог хьастар. Россее Къаман фронта моттигерча штаба болхло волча Чередниченко Александра дукха бераш долча, вахара хьал хала долча дезалашта лаьрхIа барзкъаш делар.

«Тов бетта берий даьшта, но-

аношта боккха низ тIалатташ хул, хIана аьлча ишколе додача бера эшар дукха да. Таро дика йоацача, дукха бераш долча дезале къаьстта хоалуш хул из. Кхыдарашта нийсса хозача, кердача гIирсаца кийчденна дешара шу дIадоладе аьттув хургболаш, оагIув хьаллаца беза цар», - дийцар «Сердалога» мехкарча Къаман фронте.

Иштгача гIулакхо хьагойт сагах дог лазаш хилар духхьала хозача дешашца дусташ доацилга, гIо эшачун оагIув хьаллацар, мах баь варгвоацаш, лоархIае долга. ХIаьта къаьстта бера тоам бе хьажар, тахан доккха дика да.



Шийна цIа эца наьна ахча хьадалийта аьттув баьлар мехкарча яхархочун

Оздой Иийса

Сурхо тIара яхархо ера сага бокьонех вола викал волча латкъа. Цо дийцадох, укх шера аьтинга бетта денз, ший цIа тоадегдолаш бер дарах нанна доагIаш дола ахча хьаьца гIерташ къахьегаш я из, бакъда Россее Волгоградски областа Вахара ганза болхлоша из гIулакх дIаакхдалийтац.

«Сердалога» УПЧ дийцадох, каьхаташ тIа фусамах дар боагIаца боараме белгалдаьдац, яхаш, къоабалдеш дац из цигарча болхлоша. Бакъда, кхалсага ше дувцадох, эца гIерта цIа ваха йиш йолаш да, аьнна, моттигерча администраце каьхат юкъеделлаца а гIулакх меттагIдоалаш дац. Сага бокьонех волча викала Россее Вахара ганза болхлошка гIолла хьатехкар из. ХIама таьха эттача, гучадаьлар дехар чуденначо цхьан юкъа ши цIа ийцалга, СФР из дIатIаьцаш хиннадац юхьанца каьхат цхьа цIа эца чуденна хиларех.

Наьсарен кхален администраце болхлой оарцагIбаьха, меттадоаладе аьттув баьлар из гIулакх. Деррига кхыча тайпара хийцача, Вахара ганзе дIатIаийцар дехар. Таханарча дийнахьа цIа дехкача сага цIерах дIатIадахийтад 963 243 сом ахча. Сага бокьонех вола викал оарцагIбаьнна, меттаоттайир кхалсага бокьонаш.

«Йоккхача Коталано Кавказ вIашагIтох» яхача проектах дийцар вай мехка

Баркинхой Мурад

вIашагIкхетар.

Новоалександровски историко-мехктокхаме музея кулгалхо, «Мобильни суртгойтам «Йоккхача Коталано Кавказ вIашагIтох» яхача проекта автор волча Иванов Игорача кхетаче дIахьош хилар «Даьхен лорабой» яхача ганза мехкарча филиала хьалха латта Абьаданаькъан Ислам. Ганза регионерча филиале хилар

«Проектаца дувзаденнарах, кхоачашде лерхIарех дийцар кхетаче. Цу юкъе дар «Мобильни суртгойтам «Йоккхача Коталано Кавказ вIашагIтох» яха Россее къаман цхьоагIон Шера, СВО турпалхошта хетаяь йола йоккха проект 2026-2027-ча шера Кьилбаседа Кавказа мехкашкарча музейшка, культуран ценошка йоаржаярах.

Сийлахь-боккхача Даьймехка тIема, Украинерча тIема операция хетадаь балхаш хургда цу юкъе.

Тхьоврарча ханашка денз, турпала толамашта юкъе дакъа лоацаш хьадаькхача Кьилбаседа Кавказа къамашта юкьера цIаккха а хада йиш йоаца бувзам хургба цох», - йоах «Сердалога» «Даьхен лорабой» яхача ганзера кхаьчача хоамо.

Иванов Игора белгалдечох,

проект даьй турпала гIулакхех дола истори дийндеш, тIехьа тIабоагIарашта дукха хIама довзийташ, лоархIае болх дIахьош я. «Даьхен лорабой» яхача ганза мехкарча филиала кулгал деча Абьаданаькъан Ислама, лакха мах оттабеш, тIаийцар из болх. Цо белгалдир, проект йоаржаяра гIулакхе, мехкарча моттигашка из гойтам дIахьош филиала гIо дергдолга.



ГIалгIай мехка тIахьийхар, дешара даькъ тIара деррига хьал дика вIашагIдоллара

ГIазданаькъан Ахьмад

Магаса дешара Центре, ГIалгIайчен дешара, Илман министра Цхьорой Ахьмад-Башира кулгал а деш, яьржа кхетаче дIайихьар. Цунна чуйоагIача министерствай викалашца цхьана цига дакъа лоацаш хилар дешара моттигий кулгалхой. Доакъашхоша чаккхе

йир 2026/2027 керда дешара шу дIадоладалар чулоацаш, иштта белгалдир кертера декхараш. Цига дийца лоархIае дош дар дешархошта дIайха даар лоаттадар, из дIакхоачаш хилар, цун дикал, кхерамзле хилар.

«Дешара шу дIадоладалар - из ха эггара чIоагIагIа дешара даькъ тIара болх вIашагIболла

беза ха я. Вайна хьалхашка латт лоархIае декхараш. Уж кхоачашде деза цахаддаш терко лоаттаеш, хIара даькъ тIа бехктокхаме саг волаш цу юкъе, дIайха даар лоаттадеш» - аьлар Цхьорой Ахьмада «Сердало» газетаца ше къамаьл деш.

Кхетачене иштта дийцар, керда дешар дIадоладелча лоархIае да хьехархой шо-

айла новкъостал деш хилар. Министерство, доал деча даькъ тIара Iаьдал, ишкола администрაცი, хьехархой тоаба бувзам болаш хилча, кхоачамбоацараш нийслургдац.

Цар цхьана болх дIахьош хилча, берашта а дешара дика хьалаш лоаттаде таро хургья.

Прокуратура юкъееначул тIехьагIа, студенткан пенси хьаделар


Курскенаькъан ИбрахIим

ГIалгIайчен прокуратура юкъееначул тIехьагIа студенткан пенси ийдара бокьонаш меттаоттайир. Из яр, тIехьа да воацаш йисарах доагIа пенси ийдеш, яхаш, дийцар «Сердало» газетага ГIалгIайчен прокуратуран зарбан болх лелабераша.

«МагIалбика-Шахьара прокуратура белгала ма дарра, пенси хьа ца луш соцадаьдар 2025 шера кIимарса бетта. Цун бахьан дар лакхарча дешара моттигера хьаенна справка законах йоагIача кепара цахилар», - йоах хоамо.

Студенткан оагIув хьаллоацаш, прокуратура суде лоткъам чубелар. Судо хьаллаьцар тIахьожамхой дош, цу лоткъамо яхар кхоачашдир.

Цу тайпара, тIехьа да цахиларах цунна доагIаш дола пенси хьадоладелар, цу юкъе хьалха хьа ца луш хьа мел Iайна 150 эзар сом а долаш.



ГалгIайчен бахархошта хьалхадаьккхар, хIара шера дезалашта луш долча ахчах лаьца

ГIазданаькъан Ахьмад

ГалгIайчен Паччахьалкхене дийцар «Сердало» газетага; ший е совгIа бераш дола, болх беш бола даьй-ноаной таро йолаш ба тов бетта 30 денга кхаччалца хIара шера луш дола ахча хьаэца, яхаш.

Из луш да, нагахьа санна кхувш доагIа бераш (е 23 шу даллалца вола очни деша вагIа студент) дале, цар даьй доалахьардар цу бокьонаша дIадехаьчой нийса дале, дезалера пайда 1,5 дакъа республике латтача вахара бо-рамал совбоалаш беце.

«Россе къахьегама Министерствос беча хоамах, хIара шера луш дола дезала ахча да, дас-нанас шоай алапех е больничнех, отпусках лучох НДФЛ дIалуш хиларга хьежжа.

Россе Вахара ганзо 2025 шера дIаенна йоал лохара 6% боарам болаш хилар дIа а лаьрхIе, цу тIера дезалашта юхалуш да цаI долча пособиеца. Из ахча кхьа тайпара хьаэца бокьо я - «Госуслуги» яхача электронни портале гIолла, СФР клиентски службе е МФЦ», - аьлар тхоца къамаьл даьчо.

Из хьаэцара дехар чудала йиш я моллагIча бера даьх-наьнах цхьанне, из Iаткъаш дац цу дезале ийдеш долча юхедусача паччахьалкхен пособиешта.

НКОца бувзам чIоагIбергба моттигерча «ЦаI йолча Россе»

Оздой Иийса

Магасе дIахьоча кхетаче, цхьан истола гонахьа гулбелар НКО хьинардараш, юкьарча оагIонцара доакъашхой, «ЦаI йолча Россе» партийцаш, Халкъа Гуллама депутаташ хила ловш бола таханара кандидаташ. ВIашагIкхетаре дийцар 2026-ча шерарча маьцхали бетта 22-ча дийнахьа XXIII парте съезде чIоагIо яьча, кердаьккхача Къаман программах. Коммерчески лоархIаш боацача оагIон хIама тоада-рах, ха яхача, дерIа могашал эшаеннача наха гIо дарах, исторически тIехьале лораяра проекташ йоаржаярах дийцар цига.

«ЦаI йолча Россена» хьалха латтача Медведев Дмитре нах тIаийбеча моттигерча оагIон кулгалдеча Далганаькъан Ровзата белгалдир, программа кийчъеча хана НКО, граждански хьинардарашта хетар тер-



калдаьлга», - дийцар «Сердалога» «ЦаI йолча Россе» республикан даькъе.

Коммерчески лоархIаш боацача оагIонцара, юкьарча мот-

тигашцара бувзам чIоагIбе лаьрхIа болх ба мехка тахан дIахьомш. Бахархошцара гIулакх боагIлача боараме лорада-ра терко йир кхетаче. Вахаре

лоархIамедараш ишттача наькъаца дикагIа кьоасталургда, дIахо дIабахьа безача балха йист яккха а аттагIа хургда.

Вай мехкарча гIо деш лелараша Цхинвалерча берашца гойтама болх дIабихьар

Баркинхой Мурад

КIалвисача сага эггара хьалхара гIо дар мишта хила деза гойтар Кьулбехьерча ХIирий мехкарча 100 совгIа долча бера. «Арт-перевал» яхача цIихезача кхоллама доазон тIа хилар из болх. Вай мехкарча МЧС колледжера хьехархой, студенташ бар дакъа лонацаш хиннараш.

«Сердалога» бенача хоамах, деррига хIама ма дарра дIагойташ болх хилар цох. ЦIаьхха, дагадоаца хатар нийсденна лозавача сага гIо дарца эггара лоархIамерIа дола хIамаш

дар берашка дIахьекхараш: догсецача малагIа болх дIабахьа беца, кораяьча моллагIча хIамашца цийй соцаргдолаш моттиг дIаехкар мишта хила деза.

Манекенашца, тренажерашца из деррига шоаш мишта кхетадаьд хьахьокхаш хилар бераш. ВIалла дагадоацача хана, берашта накъадала тарлуш дола хIамаш да уж.

Лозавача сага фу де деза хар чIоагIа лоархIаме да. Деррига ховш хиларал совгIа, новкъостал де сихвала везача моттиге веха, корзагIваьнна ца а хьовзаш, сихха гIо де хьажар да лоархIаме.



ГалгIай мехка дийцар, гIо деш леларий болх дегIабоалабарах

ГIазданаькъан Ахьмад

ГалгIай мехка дийцар, гIончий болх лелабеча даькъ тIара хьал дегIадоаладарах. Моттигерча лоIамхой тароний центро тIаийцар «Дика.рф» гIончий центра Ассоциацие проектий куратор Богданов Кирилл.

«Цу кхетаченна чудоагIаш, волонтерий цхьанкхетаро, республикан юкьарлон викалаша кхоачашгъеча проектах, дIахьоча балхах дийцар.

Доакъашхоша иштта хьоахадир, лоIамхой даькъ тIара болх дегIабоалабарах, кердадараш юкьедахарах. Къаьстга терко тIахийтар Дика.Центрашта

- уж дегIайоалаяр, пайда лакхбар, доал дара даькъ тIара цар болх боаржабар яхача дешашта. Кастлуш гIончий даькъ тIа дIахьоргболча балхах дийцар. Уж тешаш ба шоашта гIо дергда аьнна», - аьлар «Сердало» газетага ГалгIайчен Паччахьалкхене.

Балха кхетаче дIайихьар хIама тохкарий сесси йолаш санна, цига керте лаьтга хатар дар республикан, федеральни центра юкьера болх шаьрбу говзал Юмаяр. Цо таро елар дIахо де лерхIар белгалде, кердадараш довза. Цу тайпара ГалгIайчен лоIамхой болам шерлуш боарIа, ди тIехьагIа дукхагIа доакъашхой чулоацаш.



«Черсий йоІ. Шеддолчун барт, хозали барзкъан эздели» яхача гойтаме ваха хилар мехкара премьер-министр

Гтазданаькъан Ахмад

Паччахьалкхен гойтама галерее «Черсий йоІ. Шеддолчун барт, хозали барзкъан эздели» яхача гойтама балхага хъажа ваха хилар премьер-министр вола Слостенин Владимир. АьдагІий мехкарча Къаман музейс ена хІамаш я цига гойтараш. Из болх вІаштІехьабаьккхарашта баркал аьлар Слостенин Владимира, къамашта юкьера культурай оагІонашцара бувзам чІоагІбарах.

«Къамашта юкьера барт, бувзам чІоагІбара тІехьа лоархІаме да из. Къаьстта терко е еза цун Россє Пре-


зидента Путин Владимира кхайкадаьча цхьоагІон Шєра.

Къаман истореца, Іадаташца, культураца дувзадєннараш довза йиш я укхаза», - белгалдир цо.

Экскурси дІахьош хиннача музеерча болхлоша дийцар, из проект АьдагІерча кхалнаьха тхьоврача шерашкара вахар довзийташ йолга. вай зама ялале XII-VII, вай заман XIX бІаьшєре чулаьца, археологически, этнографически оагІонца дувзадєннараш довзийташ болба тахан гуш бар. Кхалсага бєра ханагара хьодаладенна, кхийна яьлча, маьре яхача - ший ханага хьєжжа хувцалуш хинна вахар довза йиш яр цига.



ВЫБОРЫ ДЕПУТАТОВ
НАРОДНОГО СОБРАНИЯ
РЕСПУБЛИКИ ИНГУШЕТИЯ
VIII СОЗЫВА



БЕЛАН
ХАМЧИЕВ



РУСЛАН
ГАГИЕВ




ВАХА
КАСТОВ

ГОРДИМСЯ ИСТОРИЕЙ, СОЗДАЕМ БУДУЩЕЕ!

СИЛА В ЕДИНСТВЕ

18-20 СЕНТЯБРЯ 2026г.



Діадахача кІира дукхагІа хилар ЦУРе тІалатта дехараш

ГІазданаькъан Ахьмад

ДІадахача кІира мех-карча бахархошка-ра 111 дехар тІаййцар ЦУРа болхлоша. Цул хьалхарча кІирага хье-жача, 5% дукхагІа хул уж. «Сердалога» из хоам бера цу моттигера. Муниципальни мотти-гашкара тІалатташ дар дукхагІа дола хоамаш.

МагІалбик эггара лак-херча мугІаре эттар цу гІулакхе – 34 хоам (31%); шоллагІа, кхоалагІа мот-тигашка эттар Наьсаре, Шолжа-Шахьар – шинна шахьарера 26 хоам кхаь-чаб (23%).

Наха эггара чІоагІагІа кьувлараш ЖКХ оагІонца дувзаденна да – 64% юкьарча боарамгара (71 хоам), шоллагІа моттиг-токаца дувзаденнараша дІалоац – 17% (19 хоам). Бахархошкара массадола хоамаш теркалдаьд, хІара моттигах йолча министр-стве дІахьождаьд, кхоа-чамбоацараш юстардоа-харгдолаш.

18–20 СЕНТЯБРЯ
ВЫБОРЫ ДЕПУТАТОВ
ГОСУДАРСТВЕННОЙ ДУМЫ

**ЕДИНАЯ РОССИЯ -
ПАРТИЯ СИЛЬНОГО ЛИДЕРА!**

**МАХМУД-АЛИ
КАЛИМАТОВ**




В соответствии с пунктом 6 статьи 50 Федерального закона от 12.06.2002 № 67-ФЗ и статьёй 66 Федерального закона от 22.02.2014 № 20-ФЗ редакция предоставляет печатную площадь на бесплатной основе

ГІалгІайчен единороссаша шоай хоржамий программа чІоагІйир

Баркинхой Мурад

«ЦаІ йолча Росссе» ГІалгІай оагІон 37-ча конферен-це кхоалагІа дакьа дІахьош, лаьрххІа тІаййцар парте хор-жамий программа. Цу каьха-то хьагойт VIII-ча кхайкара-ла республикан Халкьа Гулла-ма хоржамий керттера декха-раш. Программан проект гой-тар моттигерча дакьа кулгал-хочо Илезанаькъан Михаила. Ше кьамаьл деш, цо белгалдир, тІеххьарча цун йоазон тІа «ЦаІ йолча Росссе» Халкьа программа кердаьккха хилар, иштта мот-тигерча бахархоша тІадехкаш дола декхараш, царна бакьахьа хетараш.

«Кердача программан керттер-ча декхарех цаІ да СВО блухой, цар дезал хьаллацар. Парти лаьрхІа я республикан закона бо-арам тІа уж хьаллаца, цу юкье да



ахчаш дІадалар, йоала таронаш царна лоаттаяр, газ чуйиллар, лорашка меттаоттабара дарба дар, протезаш яр, санаторешка дарба дар. Программа керттерча дек-харашта юкье да - керда респу-бликански дукха оагІонаш чу-лоацаш йола дарбанче хьалтьяр, Эса хий чулацар, иштта бераш-та лаьрхІа меттаоттадара центр

хьалтьяр. ДІахо цу тІа да дешар, экономика, юртбоахам, кагир-хой политика, экологие проекташ дегІайоалаяр», - аьлар «Сердало» газетата «ЦаІ йолча Росссе» парте ИРО зарбан болх лелабераша.

ГІалгІай единороссий керт-терча декхарашта юкье да керда балха моттигаш хьаел-лар, зІамига, юкьера бизнес ле-

лаерашта новкьостал дар. Иштта программа чудоагІаш да укх заман промышленни оагІонаш дегІайоалаяр, лакха технологи йола мугІараш, иштта пилот чу-воаца аппараташ яра хьал тоа-дар. Терко тІаяхийтар юртбоаха-ма фермераш хьаллацара, кхаш-ка хий тохара йола балха оагІув меттаоттаяра.

18–20 СЕНТЯБРЯ
ВЫБОРЫ ДЕПУТАТОВ
ГОСУДАРСТВЕННОЙ ДУМЫ

**СОХРАНЯЯ ЛУЧШЕЕ,
СОЗДАЕМ НОВОЕ!**

**МУСЛИМ
ТАТРИЕВ**

**ИЗБИРАТЕЛЬНЫЙ
ОКРУГ №16**



В соответствии с пунктом 6 статьи 50 Федерального закона от 12.06.2002 № 67-ФЗ и статьёй 66 Федерального закона от 22.02.2014 № 20-ФЗ редакция предоставляет зарегистрированным кандидатам печатную площадь на бесплатной основе

„ Люди — это
главная ценность

России.

Их нужно беречь

(с) Алексей Нечаев

ПАРТИЯ
НОВЫЕ ЛЮДИ

В соответствии с пунктом 6 статьи 50 Федерального закона от 12.06.2002 № 67-ФЗ и статьёй 66 Федерального закона от 22.02.2014 № 20-ФЗ редакция предоставляет печатную площадь на бесплатной основе

ГалгIайче
кхоачашъеш я
«Къона оарц»
яха дешара
проект

ГIазданаькъан Ахьмад

ГалгIайче дика кхо-
ачашъеш я, «Къона
оарц» яха дешара про-
ект. Цу программна
чудоагIаш, доакъаш-
хошта вIашагIделлад
карайица гIулакх
шарду дешар, из на-
къадаргда чоалхане
хьал эттача моттиге.

Карарча хана дешар-
хой Iомалуш ба лорий
хьалхара новкъостал де.
Говзал йолча инструктор-
рашца цар дувц де дезар,
иштта шоашта хыйхар
мишта накъадоал хьож,
цу тайпара хьал шоаш хьа
а кхоллаш.

Уж Iомабу цIий соцаде,
чов хинна моттиг дIаехка.
Дешарца тренажераш
лелаю. ХIара цу тайпа-
ра дешар - из ба, эшача
хана веа а ца хьовзаш,
де дезар довзаш хилар-
га вугаш бола никъ», -
аьлар «Сердало» газетага
ГалгIайчен кагирхой Ко-
митете.

Проекто новкъостал ду
берашта лакха граждан-
ски бежтокхам болаш
хила, сиха новкъостал де,
говзал йола лораш хьак-
хачале шоаш дер нийса
де.

ИнГГУ хьабийллар шоай декхар кхоачашдеш бейнача МВД болхлөөх болча дагалоаттама гойтам


ГIазданаькъан Ахьмад

ГалгIай паччахьалкхен
университете хьабийллар
суртий гойтам. Из хетабаь
ба шоай балха декхар кхоа-
чашдеш бейнача МВД болх-
лошта. Дагалоаттама гой-
там вIашагIбеллар ИнГГУ.
Из болх вIашагIбеллар тер-
роризмаца къовсам лоат-
табара цхьоагIон Денна хе-
табаь.

«Студенташта, хьаьшаш-
та, вуза хьехархошта дага-
ухар; бокъонаш лораераш;
шоай тIеххьарча денга кхач-

чалца денал, майрал гой-
таш; юкъярлон кхерамзле
лораеш лаьттараш», - аьлар
«Сердало» газетага из болх
вIашагIбеллараша.

Тхоца къамаьл даьчо
яхадох, терроризма ду-
хьалъэтта, шоай синош
дIаденнача турпалхой гой-
там вIашагIболлар лоархIае
дар университете кхетам ба-
лара болх дIахьоча. Цу тай-
пара кхетаченаш хиларах
таро хул исторически дага-
лоаттам лорабе, шоай хьам-
сара мохк бовза, иштта къа-
ман хьалхашка кагирхой
бежтокхам а лакхлу.



ЛДПР ✓
18-20 СЕНТЯБРЯ
ВЫБОРЫ
В ГОСУДАРСТВЕННУЮ ДУМУ

ВЫБЕРИ
ЛДПР

ТВОЙ ГОЛОС ДЛЯ ПОБЕДЫ

«Дешар. Кхерамзле» яхача проектах лекцеш дйайихьар мехкарча ишколашка

ГПазданаькъан Ахьмад

«Дешар. Кхерам-зле» яхача проек-га гIолла, кхетаченаш хилар, вай мехкарча ишколашка. Цигара хьехархой бар спикераш – «Дешар» яхача российский оагIон лектораш. Дешархошца цар дийцар зуламхоша доаржадеча воча гIулакхех лораваларах, моллагIа тешаме ца хета хIама теркалдича, Iаьдала болхлошка Iалаьмате чехка хоам бе безаш хиларах.

«550 доакъашхо вIаший гаргавугаш йола кхетаче дйайихьар мехкарча 11 дешара моттиге. Лекцешка ладувгIарал совгIа, дукха хаттараш хилар кьонабарий. Интернет оагIонашка воча гIулакхех лоравалар мишта хила деза тошкаш хилар уж», - дийцар «Сердалога» мехкарча Пачча-хьалкхено.

Ерригача Россе «Дешар. Преми» яхача яхьашка котало яккхача, «Дешар» яхача российский оагIон лектор йолча Цхьорой Заремас белгалдечох, кьонабараш воча гIулакха юкье чуозар низаца, кхерамца хулаш дац дукхагIа даькье. Зуламхоша шоаш геттара безаболийташ, бокьонца бола доттагIий болаш санна, говза болх лелабу, кьонабараш дIатешабе гIерташ. Спикера теркалдечох, кьонача тIехьенга массахана дIадувца деза цIагIа, дешара моттиге малаш ба ца ховча нахаца интернете бувзаме яла, цар яхар хьаэца, царех теша йиш йоацилга. Зуламхоша моллагIа тайпара хIилла, говзал кхостаергья дунен хIама довза кхенза бола кьонабараш шоашта тIехьабаха, тувлабе хьожаш, цунга хьежжа массахана фийла хила везилга, моллагIа хIаман тIехьа боккхагIбарашца, хьехархошца дагавоалаш хила везилга, хьалхадаха деза кьонабарашта. Тешаме доацар юхьанца довза, цох сакхувш хила Iоме еза вай кьона тIехье тахан.

ПАРТИЯ

РОДИНА

РОССИЯ

ЕВГЕНИЙ

ИВЛЕВ

АЛЕКСЕЙ

ЖУРАВЛЕВ

ЭДУАРД

БАСУРИН

7

№

В БЮЛЛЕТЕНЕ

ВРАГ ДОЛЖЕН БЫТЬ УНИЧТОЖЕН!

В соответствии с пунктом 6 статьи 50 Федерального закона от 12.06.2002 № 67-ФЗ и статьёй 66 Федерального закона от 22.02.2014 № 20-ФЗ редакция предоставляет печатную площадь на бесплатной основе

ЛДПР

18-20 СЕНТЯБРЯ

ВЫБОРЫ

В ГОСУДАРСТВЕННУЮ ДУМУ

ВЫБЕРИ

ЛДПР

ТВОЙ ГОЛОС ДЛЯ ПОБЕДЫ

В соответствии с пунктом 6 статьи 50 Федерального закона от 12.06.2002 № 67-ФЗ и статьёй 66 Федерального закона от 22.02.2014 № 20-ФЗ редакция предоставляет печатную площадь на бесплатной основе



Iаьлий-Юртарча культуран ЦIагIа, топпарах хIамаш е Iомалуш ба

Баркинхой Мурад

ГIалгIайчен Наьсарен кхален Iаьлий-Юртарча культуран цIагIа, топпарах тайп-тайпара гIирсаш де Iомалуш хилар дика гIулакх хинна дIаэттад. Цига бераша топпарах ший тайпара хоза хIамаш хьакхолл. Студи ди тIехьагIа дегIайоагIаш я, доакъашхой тIакхеташ боагIа. Цо хьагойт дег чура безам болаш из леладеш хилар,

иштта шоай болх дика бовзаш хьехархой хиларо хIара бера начIал хьаделл.

«Топпарах хIамаш яр чIоагIа безам тIабодаш болх ба. Цо еррига берий уйла дIалоац, царна хеталу шоаш боккьонца бола кхоллама дай болаш санна. Бакъда цох цхьацца хIамаш хьаеш хилар, из цхьа оагIув мара яц. Из болх дIахьош, берашца цхьана дIахьу дешара балха

оагIув а. Кулгалхочо дувц царна фаьлгаш, иштта до-взийт тайп-тайпарча кьамий Iадаташ, царца декъ истори-чески тамашийна нийсденна хIамаш. ХIара доакъаш-хо, шийна пайда а эцаш, безамца Iомалу кулгашца куц дола хоза гIирсаш хьакхолла», - аьлар «Сердало» газетага цу культуран-салоIама центра кулгалхочо ГIаьнажанаькъан Мадинас.

Тхоца кьамаьл даьчо яха-

чох, даим цу балхаца хьакхаш-табаьнна болх бераш шоай уйлаш а паргIатаяхара тIера хул. Нагахьа санна юхьанца уж цу топпарах хIама хьае кхераш а юхагIерташ а хуле; ха дIа мел йода уж хьабоагIа шоашца цхьацца бола кхоллама ло бахьаш, цар тохаш дола кулг а майрагIа хул. Кхоллама майралца бехктокхам хилар а хоалуш да. Бераш хьинар долаш, керда балха оагIонаш лохаш хул.



**Москвера
ГалгІайчен
массаара видал
волча дийцар,
Кагирхой кхела
декхарех**

Баркинхой Мурад

Россе Президент-та оагІонцара ГалгІайчен массаара видал волча Оздой Муслима кхетаче дІайихьар Кагирхой кхела хьалха латтача Бекбузаранакъан Рахымаца. Кагирхой политиканна хьалхашка латтача лоархІамеча декхарех дийцар цар вІашагІкхетаре. Моске дешаш болча студенташца лоаттабеча балхах, бувзамах, иштта ГалгІай кьонабарий оагІув хьаллоацаш йоаржае езача цхьацца кхетаченех дийцар кхетаче.

«Сердалога» цигара бенача хоамах, Бекбузаранакъан Рахыма дийцар шоаш дІабихьача балхах, иштта Кагирхой кхела хІама хьаллоацаш, тІадоагІаца шера кхоачашде лерхІарех.

Оздой Муслима белгалдир, таханарча дийнахьа керттера дола гІулакхаш. Моске бахаш болча вай кьонабарий оагІув хьаллоацаш, юкьарча балха юкьелоацаш, иштта керда культуран оагІонцара, кхыйола проекташ йоаржаеш кьахьегарах дийцар Оздой Муслима.

Шин культуран вІашагІъэр

Магасе дІахьош ба суртанча йолча Цисканакъан Тамарай гойтам

Гаьгенакъан Марина

Цхьайолча хана вай вахаре нийслу, шоай мехкара арабаьнна гаьна болаш а, кьаман культурацара безам дег чура лорабеш хилара сийрда масалаш гойтараш. Цисканакъан Тамара яьй, хьал а кхийнай Казахстан Астане. Из 82 шу хьалха ГалгІай кьаман цІа хинна дІаэттар. Бакьда цун вахар массехк кхыча тайпара нийслу.

Диъ шу даьлча денз, йийиг йолалу исбахьален искусствца бувзам лелабе. Цкьа хьалхагІа из дешаш хул Малхбоален-Казахстана пачахьалкхен М. О. Ауэзова цІерагІча университете, архитектора

Илма Юмадеш. 2016 шера цо йоаккх Москвера К. Райкина сценически искусствон Лакхара ишкол, суртанча-сценограф яха гІулакх карадерзадеш.

Шергара шу массаза доал, ший профессионаьни говзал лакхьеш, Тамара ше лаьрхІачунга кхоач. Тахан из я начІал дола суртанча-сценограф, архитектор-проектировщик, Россе театра болхлой Союза доакъашхо.

ТІехьашка дисад кхыча мехка даьккха 30 шу. Иштта дале а, цун дас-нанас из хьалкхею ший кьаман Іадаташ, эхь, эздел довзийташ; уж дика лорадеш хургйолаш.

Кьам дезаш, Іаламцара безам совбоалаш хилар хьа-



гойташ ба Мухьмада Тамарай болх. Из го йиш я культуран дегІаахара центра лаьрххІаца гойтаме. Укх деношка цига баха таро йолаш ба суртанчий гаргара нах санна, цу хозалга хьажа безам мел бараш а.


Кьаман кеп гойташ болча тІабувхабеча гІирсо, кІувсаша, басарашца даьккача сурташа хьагойт шин кьаман вІашагІъэр - ГалгІайи казахийи.

Цига баьккача наха дукха ха йоаккх, цу хозалга хьажаш. Из болх хьакхеллаб 2006-2026 шерашка, цо хьагойт вахара бакьдар. Укхаза дуккхачар шоай уйла тІайохийт, саг ираз долаш хилара дукха хІама ца эшаш хилар довзара, иштта хинна дІаоттара малагІа дакьа

юкьедахьаш хила веза а хоалуш да.

«Сона чІоагІа хоза хийтар «ДІаьхача ханашка хиннар» яха сурт. Автора таро лу ший балхага гІолла дукха хІама го, довза. Цхьабараш материални таронашта тІехьабаьнна, бокьонца дола мах бараш дицденна ба, вожаш нахах сов чІоагІа тешаш хиларах тийшаболх хинна а ба», - аьлар шийна хетар дувцаш Галай Адама.

Массанена деннадац искусствос дунен тІа наькьахо хила. Бакьда вайх хІаранена гуш я гонахьара хозале, хозача Іаламах сатем бе а, ший уйлашта мутІахьа хила а хов. Вахаре цагоамаш шортта да, бакьда гонахьардар нийса тІаэцаш хилча, моллагІа йола халонаш тІехьаюс.



ГалгІай йоазонхочох Шадажанакъан Борисах дийцар мехка

Оздой Ийса

Долакха-Юртарча культуран ЦІен наІараш хьайийлар, кьона хьаьший тІаэцаш. «Дешархошта лаьрхІа культура» яхача проекта гІолла, кхетаче дІахьош хилар цига. ГалгІай кьаман цІихезача йоазонхочох, драматургах, публицистах Шадажанакъан Борисах дувцаш йола кхоллама сайре дІайихьар цига. 80 шу дизар воккхача йоазонхочун.

«Шадажанакъан Бориса

вахара, кхоллама наькьах, ГалгІай литературе цо йитача ларах дийцар кхетаче. Кьаьстта терко йир кьаман Іадаташ, оамалаш, вІаший барт, безам лорабар дувцаш цо даьча йоазонашта. Йоазонхочун никь кьахьегамах, толамех бизза хиннаб. Цун произведенешта юкьера доакьош дешаш, хІара моттига маІан деш, болх дІабихьар культуран ЦІагІа. ГалгІай кьаман вахарера лоархІаме дола гІулакхаш, оамалаш ювцаш, кьамо тхьоврача шерашка денз хьабена никь бовзийташ ба йоазонхочун

кхоллам», - дийцар «Сердалога» культуран цІен исбахьален оагІонцарча балха кулгал деча Манкенакъан Зинас.

Тахан берашта бІаргадайра Шадажанакъан Борис кьаман литературе сийрда, йоккха лар йита вахалга. Даьхе езаш ураотта Юмаду бераш ишттача йоазоша, хІаьта Бориса кхоллам лоархІаме моттиг дІалоацаш ба цу дерриганена юкье. Белгалде деза, ишттача кхетаченаша кьонача тІехьен боккха пайда белга.



12 ЮБИЛЕЙШ

Іарчакханаыкъан Сали

Паллҕай мотт Јомабар, цун цѐнал, хозал ювцаш мот-тиг хилча; эггара хьалха хостаду «Селаҕад» яха журнал. Цунах тамаш елга дац. Из берий журнал да, цун бокьо яц во хила, из хьадеча наьха а яц из во хьаде бокьо. Зламигачарна цо наьна мотт безаболийте, цунцара чам дҕа ца боалаш хургба уж боккха хилча а. Из деций лоархлеме а даим теркама кҕалха лоаттаде а дезаш дола хҕама? Нагахьа сигала селаҕад этгача, сигале эргайоал, массанена дикахетар хул цох. Иштта нах шийна гонахьа кхота-беш хила деза из сийрда цҕи лелаю журнал а, тайп-тайпарча бесашца хьеста деза цо берий дегаш.

40 шу даьннад «Селаҕада». Шераш дукха дҕаихадале а, хьалха мо дега тоам беш я журнала оаҕлонаш. Ший цѐрца, чулоацамца, наха деча дикахетарца белгала да из. Цаккха кьалуш, тишлуш, адамий дог-безам шийцара дҕахадийташ дац. Дҕауйла йича, дукха ха хетац из арадаьнна. Селхан мо хет сона из Шолжа-Палий тҕа хинна. Цох боккха кхаь хинна бар, из арадалар дҕа мел хеза бола нах. Цун редакци юхханца хилар Первомайски цѐрагҕа урам тҕа. Цхьа кьаьнара, тиша цҕа дар цунга кхаьчар. Нохчий а гҕалгҕай а шинна меттала цхьан тхов кҕалха хьадора, керттера редактор а цҕа вар цун. Из арадаккха гҕерташ эггара чҕоагҕагҕа кьахьийга саг вар цун керте лаьттар. Чакхенаыкъан Салид вар цун юххьанцара кулгалхо. Цу хана хинна хьалаш-таронаш геттара дика хиннаеце а, журнала болхлоша шоай хур дора из ма хулла дикагҕа арадувлийта, ханнахьа дешача нахага дҕакхачийта гҕерташ. Боагҕагҕа боарам тҕа а сакьердаме а из хилийта гҕерташ, кьахьега нах дика лоархҕабора шоай декхарех. Уж балха а вахара а йоккха поалхам йолаш нах хилар хургдар-кх из. Журнал даим Идриса Салида бҕарга кҕалха дар, цунна дика ховра эшар, доацар фуд, гҕалат дола моттиг тоае, дикача йоазошца журнал лалашде. Салид ше а, вайна ховш ма хиллара, дуккхача хана денз, зламигачарна яздеш хьабоагҕаш вар. Яздеш воаца саг хила бокьо а яц цу тайпарча балха тҕа, хҕана аьлча цунна тоаде ха деза редакце хьакхухийта кьахаташ. Цул совгҕа, йоазонхочун болх ший авторел дикагҕа бовзаш хила веза из. Иштта вар Чакхенаыкъан Салид.

Цхьаькха цхьа оамал я моллагҕа кьахьегача тоабан кулгал деш волча сага хиланза яргйоацаш – из нах шийна гонахьа кхотабе ховш хилар. Дик-дикагҕа бола деша говзанчаш оарцагҕаьхабар Салида цу гҕулакха. Уж ше волча балха хьехаш; царна, шийна могачох, массе тайпара хьалаш хьакхоллаш вар из. Сона дагадоагҕа, кхымет-



Кьоаналгахьа лестада берий журнал

«Селаҕада» 40 шу дизада

тел йоазош деш йолча машина тҕа болх беш йола кхалсаг а, Шолжа-Палий тҕа шийл дикагҕар кхы йоацаш, сел дикаяр цо редакце хьийха. Из яр дуккхача шерашка «Сердало» газете секретарь-машинистка йолаш болх баь Іарчакханаыкъан Аза. Саг цецваллал совсиха кѐпа тохар цо шийга дҕаденнача моллагҕа кьахата. Хҕаьта Салидаца болх баь редактораш-м бувца а безий-хьогҕ, кхоачам ба духхьал цар цѐраш яьхача а. Цун гҕончий болаш хьабоагҕар поэташ Хьоашаланаыкъан Іаьла, Коазой Іийса, Угурчанаыкъан Азмат-Гири, Гаьгенаыкъан Гирихан, Вешкаранаыкъан Мухьмад, Іахилганаыкъан Микаил, кхыбараш.

Духхьал хозача сурташца кийчдаь ца Іеш, дукха лоархҕамера гҕулакхаш кхоачашде дезаш дар из. Эггара хьалха царех дар берашта нийса хьехам балар. Боккхагҕарна нийса никь хьехаш дукха гҕирсаш да вай: книжкаш, газет, радио, телевидени, законаш. Зламагҕарна лаьрхҕа, берашта лаьрхҕа цхьаккха хҕама дац аллхха цхьа журнал доацар. Цо шийна хьалхашка латта декхар дизада кхоачашду. Духхьал йоазонхаша кхоллаш долча йоазонашта кѐпа йийтта Іац из. Литературни тҕехьале кхею цо, кхоана керда йоазонхой эшаргболга ховш. Из, кҕорда ца деш, лерттҕа а кхею. Укхаза доккха гҕо ду журнало, бераша а берашта а кхоллаш мел йолча дик-дикагҕа произведенешта кѐпа еттарца. Кхыча дешашца аьлча, шоай йоазув дуккхача наха

дҕадовзийтад кхувш долча ноахало. Ше кхелла хҕама журнала тҕа араяларо дикка дог айду, дҕахо болх бе гҕо ду царна. Мах баь варгвоацаш да цо царна лу хьаькьал, довзийта вахар, вай мехка хҕама, гҕулакх. Дикагҕа бола, масал эца мегаргдола Давхен кьонгаш, мехкарий бовзийтаб цо берашта. Ший хана цун оаҕлонаш тҕа арайийннай рубрикаш «Мотт беце, кьам а дац», «Бовза, беза хьай мохк», «Дийнатий дуне», «Берий кхоллам», «Фу ховли, фу до-взали», «Сакьердамилгаш», «Кицаш», «Паллҕай сийдо-ла нах», царех тарра кхыяраш. Кьаьстта хьоахаде деза укх тҕехьарча хана, кьаман мотт цѐнлургбар, тоалургбар деш, бувца гҕерташ, из дикагҕа ховча наха дош луш, царца цахаддаш бувзам лоттабеш хилар. Чоалхане, довзаш доаца дешаш нийслюй, уж кхетаде гҕо деш дола дошлорг да цун оаҕлонаш тҕа хулаш. Дуккхача берашта мотт Јомабеча даькье гҕо даьд ала мегаргда цо. Керда, кьаьна дукха дешаш юкьедаьхкад вай метта, вайна чҕоагҕа эшаш дола, хиланза даргдоаца дешаш. Эггара хьалха из болх дҕаболабаьр вар журнала редакце болх беш хинна гҕалгҕай дика поэт а прозаик а Хьоашаланаыкъан Іаьла. Тайп-тайпара вайна йицѐнна, ца хеза зизай цѐраш; хьайбай, оакхарий цѐраш; вай мехкарча моттигий, Іалама белгалоний цѐраш вайна йовзийтар цо. Ший йола метта говзал, мотт кҕоарга хар вайца дийкьар, вайга цох доккха даькьа кхоачийташ. Іаьла вайца веце а, цо дҕадоладаь гҕулакх дҕахо

дҕахьош да. Журнала тҕара деша йиш я тахан хьалха ца хеза дешаш: сандаргҕа (омела), сувсакх (кит), баьл-кьазар (крот), ункх (жаба), кьоре (глухой лес), хьулам (убежище), кхы массаргҕа да уж.

Нийслу ха яьккха арахьара цҕабаьхка нах шоай берашта журналаш дахьа редакце боагҕаш. Царна ховнаьна мотт бовза гҕертача сага дика новкьост долаш «Селаҕад» хьадоагҕилга. Бека-наыкъан Тембота «Сердалох» аьнна дешаш ала мегаргда тахан берий журналах: «... бҕаргаш сийрда да хьа, ткьамаш дҕаьха да хьа». Из кхоач Казахстане, нохчий мехка, хҕирий мехка, Магадане, Москве, Питере, кхыча гаьнарча а юхерча а моттигашка.

Дукха кьаьнара моттигаш, шира цѐраш я вай мехка. Уж гаьннара хьайоагҕаш я. Уж лерттҕа йовзац дуккхачарна. Ховш хилац Паьлинг, Шоане, Пхымат, Пхуй яхара шанна йола юрташ вай йолга, уж мичахьа я. Мишта еш хиннай гҕалаш, малхара кашамаш, мишта тийкьаб? Уж хҕамаш довзийтара гҕулакх шийна тҕаийцар журнала болхлоша. «Бовза, беза хьай мохк» яхача рубриканна кҕалха кѐпа еттар кьаьстгача юрташта, моттигашта, гҕалашта, вловнашта, кхыча элгачашта хетадаьча тохкамашта. Нагахьа бер хургдац Маьтлоам, Аьрзи, Іарамхи, Эса, Эбан, Кхаьрт, Фуртуог, Гҕалми яха дешаш ца довзаш. Цхьа ха яр «Хье хьаваьнна овлаш довза» яхаш корта а болаш, тайпашта юкьера гаргалол йовзийташ. Берашта меттел боккхагҕарна

хайра шоаш малашб, мичара хьабаьннаб, кхыча тайпашцара юкьамоттигаш миштай. Хьалха хьоаха ца деш лаьтта уж лоархҕамера хҕамаш сомадаьхар, наха юкье дҕадоаржадаьр берий журнал дар, бокьонца волча зирака декхар шийна хьатҕаийца.

Тахан вайца воацаш ва профессор, филологически Іилмай доктор Дахкилганаыкъан Ібрахїм. Журнал арадалале, из хьаде гҕертача наха новкьостал деш, цар оагҕув хьаллаьца лаьттар из. Арадаьнначул тҕехьагҕа цо даь гҕо-м дийца варгвац. Вай гҕалгҕай багахбувцам гулбеча, цунна кѐпа тохача даькье чҕоагҕа наьваваьлар из журнала редакцѐна. Іоахарганаыкъан Ч. цѐрагҕа Іилма-тохкама института директор волаш, ше болх беча хана, цо гҕо дора таьптара болхлошта моллагҕа чоалхане хаттар дашха, эшшаш дола йоазув кийчде, ше а кѐпа еттар багахбувцама жовхьарашта. Уж гулдеш, дҕаяздеш дукха кьахьийга саг вар Іадрахьмана Ібрахїм.

Жанрови чулоацам бҕаьхий ба «Селаҕад» яхача журнала. Дҕатехкача гуш хургда, цу тҕа тайп-тайпара кѐп йола йоазош дукха хилар. Царех да зламига дувцараш, анекдоташ, тохкама статьяш, фальгаш, легендаш, мифаш, шира дувцараш, кҕоанолгаш, стихотворенеш, иллеш, сихаоалараш, дагардергаш. Цхьа ха яр кхыметтел ашарий ноташта кѐпа етташ, цу балха юкьеэзабар ашарий говзалца хьакхаштабаьнна нах. Кьаьстта а берашта дукха деза ховли-довзалеш, кроссвордаш, шоай нийсархоша дийх-

ка сурташ. Цхьадола бераш хул сурташ дехка Iема а, из болх геттара дика беш а. Цар даьча балхаша хозью журнала оагIонаш. Цу тайпарча берий шоаш хержача наькъацара безам чоагIбу журнало. Цунна дола тешал да, журнала тIа IотIадоаха кьонача суртанчий балхаш. Цун оагIош тIа шоай балхашта кепа ийитта кьонача суртанчаш дукха ба. ГIалгIай бечча тайпаех хьабаьнна а ба уж: Дахкилганаькъан Тамара, Йовлой ИбрахIим, Пхьилекьонгий Ахьмад, Цхьорой Муса, Курскенаькъан Ахьмад, Дебаранаькъан Хьава, Исмейланаькъан Залина, Майсиганаькъан Сата, Кьоастой Динара, Беканаькъан Фатима, Аьххенаькъан Амина, кхыбараш. Цар сурташ кьоастаде, дикагIдараш харжа ховргдолаш йоккха поалхам йола нах редакце хиннаб, болаш ба. ГIалгIай мехка йовзаш я хоза сурташ дехкарца гIорьяьнна Доврбиканаькъан Iашат. Цун кулго кхеллача сурташа дукхача наьха дегаш ххийстад. Царех дуккхадараш гойташ хинад музейшка, кхыча хьокхамашка. Iашата журнале болх бир йIаьххача хана. Цунна дика карагIдоалар берашта дола, берий йоазошца дувзаденна сурташ дехка. Дуккхача цун сурташца хоздаьд вай классикий а кьонача йоазонхой а книжкаш. Цо кхеллача сурташца уж хоздеш хилча, дешаш дола йоазош дукхагIа дезалора, аттагIа кхеталора, бочагIа, хьамсарагIа хулар, Iюаргга дег чу дувшар.

Iашата санна хозача басарашца «СелаIад» тоадеш хьайоагIа цхьаькха говзанча. Ший болх чоагIа безабенна саг я из а. ГIудантанаькъан Дукхеша сурташ доацаш номер араялац берий журнала. Кхыча дешашца аьлча, цу шин кхалсага хьадора цу журналах бокьонца дола селалад. Царна цох доккха баркал ала а доагIа.

Дукха кьамаш дах вай мехка, шоай культура а литература а долаш. Редакце дикка кьахьег бе-беча кьамий литератураш берашта довзийта гIерташ, царна бакъахьара кхетам лургбола йоазош кьестаде, кепе етташ. Даьхе еза, дика деша, наха наьбаболаш хила Iомабу цар кIаьнкаш, йиIигаш. Каст-каста хул журнала оагIош тIа Эзопа, С. Маршак, М.Пришвина, С.Есенина, Л.Толстой, В.Бианке, М. Джалила, кхычар хьаькьале йоазош. Уж а кхыдола а йоазош гIалгIай меттала доахаш кьахьийгарех ва тахан вайца воаца Гаьгенаькъан Гирихан. Таржамашца кулг шаьрденна вар Горчхананаькъан Бадрудин, тайп-тайпара таржамаш деш салоIам хул сона а, хIана аьлча, таржам даь ца Iеш, цу балхаца йоазонхочун говзал лакхлуш санна хет сона. Тахан азийча санна хоза ек вай зама хьахилале IV Iлаьшере хьалха Эзопа кхел-

ла Iюанолгаш. Цунна тешал деш я «Темхой хьаргIаши», «Шурткьа», «Цогали комсаши», «Маьри», кхыяраш.

Бе-бе ханаш, кхелаш, вахара наькъаш дола нах ба журнала автораш. Бераша даьча йоазошта нийса цо кепе етт гIорбаьннача, лакхара говзал йолча йоазонхой кхолламашта а. ДукхагIа зIамигача дешархошта яз деш хиннаб деша говзанчаш: Орцханаькъан Хадчат, Коазой Нурдин, Тиймарзанаькъан Башир, Новразанаькъан Макка, Хамхой Дауд, кхыбараш. Шоай йоазош дахьаш баьхке хул цхьабола кьонача йоазонхой. Цох журнал довзар а дешархочун дегага бода никь лахар а хул. Цхьайолча хана хьехархой боагIа, шоай дешархочун йоазош дахьаш. Цкъаза почте гIолла дайт шоаш кхеллар. ХIанз хьехархошта а берашта а аттача баьккхаб из болх. Журнала сайт хьаьй, цIагIа багIаше, хьадайт йиш я фаьлгаш, дувцараш, байташ, кроссвордаш, сурташ, кхыдараш. Сайт хьаькхеллараш ба Курскенаькъан ИбрахIими Шамайнаькъан Беслани.

Цкъа бIарччача тетрада тIа язьяь алапех йола стихотворенеш яхьаш ера СурхотIарча ООШ дешархо Овшанаькъан Фариза. Уж вай алфавита мел долча алапашта хетаяь яр. Берий журнало кепе тыхар царна массехк номер тIа. Царел дикагIа алапех язьяь байташ яц гIалгIай метта.

Автораш дукха а бе-бе а ба «Селалада»; шоаш баха юрташ, гIалаш санна. Царех цхьабараш журнала оагIонаш тIа кепе етта дIа а болабенна, хIанз бокьонца бола йоазонхой хинна дIаайттаб. Царна юкье ба йоазонхой Союза доакъашхой бараш а. Къаьстта хьинаре кьахьег, вай журнало оагIонаш хозьеш, СурхотIарча, ТIой-Юртарча, Наьсарерча, МагIалбикерча дешархоша. Цар мугIаре хилча бакъахьа хетар Шолжа кхалера, ЖIайрахьара бераш. Массайолча вай юрташкарча бераша цу балха юкье дакъа лоацаш хилча, журнал кхы а сакьердамегIа, безам дукхагIа тIабодаш хургдар. Къаьстта а хьинаре дакъа лоац журнала вахаре СурхотIарча ООШ дешархоша, Наьсарерча «Дийлла дуне» яхача ишкола дешархоша.

Дукха кьахьийгар журнало болх лерттIа дIабахийта гIерташ, тIехьарча хана цун редакце болх беш хиннача наха. Даим цар оагIув хьаллоацаш яр паччахьалкхе. Эггара хьалха са укхаз хьохаве безам ба, дуккхача шерашка журнала керте лаьтта Майсиганаькъан Саламхан. Цун хьинарах когIортолга яь, арадийллар из тIехьарча ткъаь шера. Саламхан журналистике 50 шера болх баь, йоккха поалхам йолаш саг вар, укхаз чоагIа наькъаьлар из. ХIанз из воацаш ва. Бакъда журнала ис-

торе йоккха моттиг дIалаьца а вицве йиш йоацаш а саг ва из. Цун гIонца когашденна журнал шерра гIа боахаш, шийх бIубенна долаш дIаходода. Цул тIехьагIа массехк шера керттера редактор хилар Горчхананаькъан Бадрудин. Тахан вайца йоацаш я берий журнала дуккха шераш дIаденна керттерча редактора заместитель хинна Келиганаькъан Роза. Берий журнале болх беш ханнав Мерешканаькъан Султан а. Карарча хана редакце болх беш ба цун хIама дIахьалхакхувла нах: цIехеза суртанча ГIудантанаькъан Дукхеш, укх йоазон автор вола со, водитель Хоаной Мухьмад, Аьххенаькъан Хьамзат, Исмейланаькъан Луиза, кхыбараш.

Чулоацамга диллача касткаста хувцалуш, тоалуш хьадоагIа журнал. Юкьехувл керда рубрикаш, гучаювл кердача авторий цIераш. Укх тIехьарча хана кепе етта болабенна, дешархошта безабеннаб Орцханаькъан Хадчат, Евкураанаькъан Лида, Оздой ПаьтIамат, Булгучанаькъан Мурат, Хамхой Жимсари, кхыбараш.

БоккхагIболча яздархоша а кепе ийиттай, хIанз а кепе етт шоай произведенешта журнала оагIош тIа. Из арадаьннача хьалхарча дийнахьа денз, цун гIонча волаш чакхваьлар Чакхенаькъан СаIид. Берий а боккхагIчар а дегашка гIалгIай меттацара, литературацара безам совбоахаш хиннад Хьоашаланаькъан Iаьлий йоазонаш. Из ше вайца веце а, тахан а тIехьа журнал кепе етт цун хьаькьалерча дувцарашта, стихашта, ховли-довзалешта. Журналаца айхха ювзаенна яр гIорваьннача поэта Гаьгенаькъан Гирихана цIи а. Ший дукхагIа бола низ, хьинар дIалора цо берашта яздар. Царех боккха салоIам а хулар.

Дуккхача журнала рубрикаша гIо ду таханарча вай ишколашта, хьехархошта, даьшта-ноаношта. Цар керттера декхар хиннад, да берий сакхетам лакхбар, гонахьара дуне, шоай мохк дикагIа бовзийтар, мотт Iомабар, патриоташ кхебар, къаман истори, таханара вахар довзийтар. Дукха езаеннарех я берашта цу рубрикашта кIалха кепе ийитта ширача юртий цIераш, цар хьахилар, тайпай цIераш, зизай цIераш, кхыяраш.

Журнала чулоацам бIаьхий хулийташ яр тайп-тайпара яхьаш. ДикагIа йола стихотворени, дувцар, фаьлг, сурт кьоастадар духьа еш яр уж хьалха. Уж карарча хана юха а дийнъе еза аьнна хет сона. Журнал дахаш да, хIана аьлча бераша деш дола йоазош да из хьалкхоабараш, чоагIдешараш, доахадараш.

Даьктала хилда хьо, «Селалад»! ДIаьха а сакьердаме а хилда хьа вахар!

2026-ча шера 50 км совгIа тока оагIонаш тоаеш болх дIабихьаб «Къилбаседа Кавказа Россеташа»

Иалой Муса

Укх шерарча бархI бетта «Къилбаседа Кавказа Россетий» «Ингушэнерго» филиала болхлоша 51 км тока оагIоний гIулакх боагIлача боараме меттадоаладеш болх дIабихьар.

Цох лаьца дувцаш, мехкарча Паччахьалкхено «Къилбаседа Кавказа Россетий» оагIон болхлошца кхетаче дIайихьар. Кхетачен кулгал деш хиннар вар мехкарча Паччахьалкхен хьалха латта Слестенин Владимир. Керттерча кулгалхочун гIонча вола Поляков Сергей, керттерча детектора гIонча Хасанов Азамат, иштта «Къилбаседа Кавказа Россеташ» - «Ингушэнерго» филиала кулгалхо Котаганаькъан Кимран бар кхетаче дакъа лоацаш хинараш.

ВлашарIкхетаре дийцар 35-110 Кв подстанцешка Iан ханага кийчо еш болх дIабахьарах. Ток лоаттаеца моттигашка кьахьегаш ба тахан, 2 I06 тока блоагIа тIара пелаш хийцад.



Хоржамашка кийчо еш, кьахьегега шоатта дIадихьар Алхасте

ГIазданаькъан Ахьмад

Россе Паччахьалкхен Думан, Халкъа Гуллама хоржамашка кийчо еш, боккха экологически болам дIабахьа арабаьлар Алхасте. Културуан цIен, моттигерча администраце болхлой кьахьегега шоатта доаржадеш хилар юрта.

«ХIара денна дукха адам тIалатташ йолча моттигий доазонаш тIа кулг тохар, лостам бар дар лоархIаме. Iаламах, экологех дог лазаш бола нах ба из гIулакх доаржадешараш. Къаьстта терко йир кагирхой, бераш тIалаттача спорта моттига. Гаьнашта кIир тохаш, йокъаенна йоархIаш дIайоахаш, массанахьа нув хьокхаш, кьахьийгар

Иштта 60 трансформаторни подстанцешта; 34 трансформаторашта кулг, тохаш болх чакхбаьккхаб. Цул совгIа, 23 гектар долча доазон тIа хаттам телхача тока саьргашта новкъарле еш йола гаьнаш, кIотаргаш дIайоахаш баьхкаб.

Белгалде деза, 2026-ча шера «Къилбаседа Кавказа Россеташта» мехкарча ток лоаттаеца моттигашка болх дIабахьа 146, 7 млн сом ахча хьахьожадергда. Кхетаче гулбеннараша дийцар, хоржамий деношка массадолча мехкашкарча моттигашка боагIлаче боараме ток хургйолаш, цхьаккха кхоачам боацараш цу оагIонца нийслургдоацаш, хьалххе кийчо ярах.

Республике болх дIахьош, ийс хоржамий комисси, 142 доазон тIара хоржамий комиссеш я. «Ингушэнерго» филиале хьожаш ба шоай оагIорахьа цхьаккха гIалатло хургйоацаш, хоржамашта новкъарле еш хIама хургдоацаш. Цул совгIа, моллагIа дагадоаца хIама нийсдала тарлуш хиларах, хьалххе кийчо еш ба.

болам дIахьош хиннараша.

Белгалде деза, из болх тахан вайх хIаране вахаре лоархIаме моттиг дIалоацаш болга. Шоаш бахача моттига доазон тIа касткаста кулг тохаш, лостам беш хила беза бахархой, цар декхар да из», - дийцар «Сердалога» Алхастерча културуан Ценна кулгал деча Боканаькъан Заретхана.

Хоржамаш хьатIадоагIлача хана, геттара лоархIаме да иштта болх боаржабар, хIана аьлча дукха адам арадаргда цу деношка. Спортта моттига ков, лостам баьчул тIехьагIа, ший тайпара дар. Хоржамий деношка Алхастера бахархой гуллуш йола моттигаш хоза, бIарг тIаотташ хургья.

14 ШАХЪАРА ГІУЛАКХАШ

ЗаӀапхо волча вахархочунна, цӀа деш боахк МагӀалбика кхале

Оздой Ийса

ЧиоагӀа беркате болх дӀаболабаь боахк, МагӀалбика кхален Вежарий-Юрта. ЗаӀапхо волча вахархочунна цӀа деш боахк «Юхъаза» яхача гӀо деча ганза доакъашхой.

Муниципальни хъакима-ша дакъа лоацаш, дӀахьош да из дика гӀулакх. МагӀалбика кхаленна кулгал деча Кьоа-стой Іаддал-Хьамида хьал-лаьцар из, гӀишлон бал-хаш дӀадоладаьча доазон гӀа лард Іочуйотташ, эшаш бола кхоачам, иштта маши-наш яйташ.

Болх дӀаболабе аьт-тув луш гӀулакх хилар цох тахан», - йоах «Сердало-га» цу моттигера кхъача хоамо.

Нахагара гӀо эшаш волча сага чуваха фусам хилий-тара тӀехьа кхален кул-галхочо дакъа лацар док-кха да. Халача хьале болча бахархошта новкъостал дар лоархӀамеча декха-рех долаш хьадоагӀа цига. Хьакимаш, гӀо лоаттадеш йола ганзаш, торо во ярех дог лазаш бараш цхьана оарцагӀбаьлча кӀалвисачун доккха новкъастал хул.



Магаса администраце бийцар, «Хьалхарчар болам» дегӀаахара никъ

Баркинхой Мурад

Магаса мэре балха лостам телача кхело ший кхета-че дӀайихьар, цига дий-цар «Хьалхарчар болам» яхача моттигерча даькъа болх дегӀабоалабара кертте-ра дешаш, иштта белгалдир карарча шера баьча балхага хьажа безаш хилар. Кагирхой боламца бувзам лелабара хе-таяь кхетаце дӀахьош яр сто-лицан администраце кулгал-

хочун гӀонча Заьзганакъан Макка.

«Кхетацен доакъашхоша дийцар тӀеххьарча кхаь бетта баьча балха толамех. Пхьоша-наькъан Мухьмад ва «Хьал-харчар болама» болх лелабара керттера говзанча, цо гойтар кхоалагӀча квартале бе беза болх. Иштта белгалдир дешар-хой хьинар долаш хилар. Хьал-харчар моттигаша федераль-ни программаш дика юкьей-

оалаяьй, хӀаьта царна юкье дакъа лоацараш ди тӀехьагӀа тӀакхеташ боагӀа.

Магаса мэре вахарца дувза-деннача дешай даькъа кулгал-хочо Куштанаькъан Светла-нас дийцар, Іаьдала викалашца цхьана болх дӀахьош хиларах. Цо белгалдир, дешара Денна хетаяь линейкаш, лоӀамхой бо-ламаш Даьхенцара безам со-вбоаккхаш, мехка истори до-взийташ хиннилга», - аьлар «Сердало» газетага Магас-Ша-

хьара администраце кепайоа-зон болх лелабераша.

Балха лостам телача кхела вӀашагӀкхетар чакхдоалаш, белгалдир лоархӀаме декхараш. Уж лаьрхӀа дар кагирхой хьал-лацара.

Магаса администраце кул-галхочун гӀончас Заьзганакъ-къан Маккас цхьацца долча бо-ахамашта де дезар хьалхадаь-ккхар, белгалдаь декхараш кхо-ачашдар духьа.

ГӀалгӀайчен цӀера духьала кьовсам лоаттаберий колледже, кьахьегама шоатта хилар

ГӀазданаькъан Ахьмад

ГӀалгӀайчен цӀера ду-хьала кьовсам лоаттабе-рий колледже кьахьега-ма шоатта ди дӀадихьар, цига гулбелар ерригача курсашкара студенташ, хьехархой. Цо хьагойтар тоабанца цхьана болх бе ховш хилар.

«Дешара шу дӀадоладеннад, из дика ха я колледжа доазон тӀа лостам бе, дешарга кийчо е. Эшаш дола гӀирсаш бе а дехка, студенташ болабелар, барт болаш, шоай дешара мот-тиге лостам бе. Йокъаен-на баьцаш дӀаьхьар, наькъа такилгаш, спорта майдаш цӀенйир.

Хьехархой а болх дӀахьош бар курсанташца цхьана, царна де дезар хьалха а до-аккхаш. ХӀанз из дешара моттиг хоза лостам баь, де-шара шу дӀадодалуш кийчо яь я, цига ха дӀаьхьа таро я хургбола болх Іомабеш.



ГӀалгӀай мехка дӀабихьар аргӀанара «Сунт» яха болх

ГӀазданаькъан Ахьмад

ГӀалгӀайчен наькъа поли-це чаккхе йир, аргӀанара «Сунт» яха рейд дӀахьош баьча балха. Цо чулаь-цар республикан керттера наькъаш, юрташ. Из болх дӀабахьара бахьан дар наь-къашка нийслуш дола хата-раш юхатохар, наькъа бокъ-

онаш лора ца еш бола води-телаш гучабахар. Цу тайпа-ра болх дӀабахьара декхар оттадаьр вар моттигерча МВД кулгалхо, полице ина-рал-майор Котов Владимир.

«Из болх дӀахьош, инспек-тораша терко тӀаяхийтар ПДД нийслуш долча гӀалаташта; водителашта,

гӀашлошта уж Іаткъаш хи-лара. «Сунт» яхача балха чудоагӀаш, полице юхатехар наькъа кхерамзлен даькъ тӀа 203 административни кхо-ачамбоацар. Цу юкье- 48 гӀулакх дар РФ КоАП 3.1 д. 12.5 ст. (кораш баьддар). 17 автомобиль лаьрххӀача мот-тиге дӀаоттайир, 17 автомоби-ла корашкара хӀамаш Іоьхьар

цу моттиге, полице дӀавигар виь бокьонаш телхаяьр», - аьлар «Сердало» газета-га ГӀалгӀайче гӀолла йолча Россе МВД зарбан болх лела-бераша.

ГӀалгӀайчен полице тӀахьех республикан бахархой, хьаь-ший; наькъашка сакхетам болаш хилара. Цо таро лур-гья сага вахар лораде.



Лоаман ГалгIайче корадир тамашийна археологически гIирсаш

Оздой Ийса

ГалгIайчен лоаме аргIанара оахкамаш дIахьош, цхьан юкьерча бIаьшерен гIалан даькъ тIара, говзанчаш-та корадир къаьнара, та-машийна гIирсаш. Корая-ча хIамашта юкье ба шира-ча заман аьшка яй, тIема шалта, ингале доакьош, иштта кхыйола культура-ца ювзаенна хIамаш, яхаш, дийцар «Сердало» газетага ЖIайрахьа-Ахабоарзен му-зее-заповеднике.

Уж хIамаш, дIахо ГалгIайчен культура, истори, этнологи тах-кара мах болаш я. Иштта цар таро лу Кылбаседа Кавказа тохкама кIийле йоаржае.

Карарча хана цу моттигера археологически балхаш дIахо дIахьош да. Кораяча хIамай дукхал йовзаш, царца дувза-денна мел дар каьхаташца дув-задеш болх дIахьош ба.

ГалгIайчен артисташ хилар, Нальчике КБР паччахьалкхен Ди дездеча

ГIазданаькъан Ахмад

«Тоалуш хила, хьамсара ре-спублика» яха лаьрххIа йола кхетаче хетаяь яр, КБР паччахьалкхен Денна. Из дIайихьар Баьццарча те-атра сцена тIа. Цига бий-хача хьаьшашта юкье бар ГалгIайчен викалаш; шо-ашта керте республикан Хамхой А. цIерагIча Пачча-

хьалкхен филармоне кул-галхо, КБР, КЧР цIихеза ар-тистка Iаьленаькъан Iайна а йолаш. Ший балха гов-зал гойтар Чомаканаькъан Хаде кулгал деча «Гаргареи» яхача халхара ансамбло.

«Iаьленаькъан Iайнас дух-хьашха аьлар Нальчика ба-хархошта «Хьа дош» яха ший керда илли. «Гаргареи» яхача

ансамбла артисташ сцена тIа баьлар. Цар гойтар хал-хар. Концерте дакъа лоацаш бар искусствай говзанчаш, ГIаьбартой-Балкхарой кхол-лама тоабаш, иштта Кьилбасе-да Кавказа федеральни куран мехкашкара артисташ. Сцена тIа Кавказа къамий иллеш, ашараш йийкар, иштта хал-хараш дир», - аьлар «Сердало» газетага ГалгIайчен Госфи-

лармоне зарбан болх лелабе-раша.

ГалгIайчен артисташа хо-зийр цIайна хетаяь сайре. Ше морг кхы йоаца Iаьленаькъан Iайнай вокал, «Гаргареи» ан-самбла халхарий говзал наьха дегашка южаш яр.

ГалгIай артисташа йиц-лургIйоацаш йир из сайре, иштта чIоагIбир вошал долча къамашта юкьера барт.

Лорий колледжа студенташ ба «Доккхий хувцамаш» яхача яхьа ах финале

Баркинхой Мурад

ГалгIайчен лорий коллед-жера хургбола унахцIенон болхлой котало яккха яхьебаьлар «Доккхий хувцамаш» яхача Ери-гроссийски ах финале. Дукха баллаш дахарах, уж аргIанарча даькъ тIа баь-лар. Из вIашагIкхетар дIахьоргда тов бетта 5-8-ча деношка Кингисеппе, из дIахьош да Ленинградски областа «Россонь» яхача берий лагера даькъ тIа.

«Техьашка дус, цахаддаш дешара говзал лакхьеш, цар дIадихьа денош. Карарча шера доакьашхой ба, «Хал-къа цхьаогIон Шу» яха тема тахка езаш. Цига гойта деза шоаш Юмадаьр, иштта хьал-хашка нийслуш дола декха-раш KHOачашде ховш хилар, тоабашца цхьана болх бе хар», - аьлар ГалгIайчен Паччахьалкхене.

Российски колледжий,

техникумий студенташца «Доккхий хувцамаш» яхача хьаькъалеча яхьебалар да

лоархIаме хIама. Из дика дерIабахкара тешал да. Ук-хаза бераш хьож шоашта фу

карагIдоал.

Яхь таро лу царна мехка гIолла шоайяр санна уйла

яраш лаха, балха говзал эца, начIал долча кагирхой юкь-арло хьаххолла.



«ГОРЯЧАЯ ЛИНИЯ» ПРАВИТЕЛЬСТВА РИ ПО ПРОТИВОДЕЙСТВИЮ КОРРУПЦИИ +7 (8734) 55-11-57, ЕДИНЬИ ТЕЛЕФОН СЛУЖБЫ СПАСЕНИЯ 112

сердало

Учредитель:
Государственное
автономное учреждение
«Издательский дом
«Сердало»

И.о.главного
редактора:
С.Я.Арчаков

Адрес редакции и издателя:
Республика Ингушетия,
386101, г. Назрань,
Тер. Центральный округ
пр. И.Базоркина, 60.
Тел.: 8 (8734) 77-11-84
Бухгалтерия: 8 (8734) 77-10-85.

Газета зарегистрирована
Управлением Роскомнадзора
по Республике Ингушетия.
Рег. номер ПИ № ТУ 06-00033
от 16 декабря 2024 г.
E-mail: serdalo@yandex.ru
Сайт газеты: serdalo.ru.

Набор и верстка произведены
в компьютерном центре
ГАУ «Издательский дом «Сердало».
Время подписания номера
по графику в печать:
9 сентября 2026 г.
Фактически 17:20.

Точка зрения авторов может не
совпадать с позицией редакции.
При перепечатке
ссылка на газету обязательна.
Письма, рукописи, фотографии,
рисунки не рецензируются и не
возвращаются.
Свободная цена

Газета отпечатана в издательстве
«Южный регион»,
с готовых диапозитивов
Адрес: 357600, Ставропольский край,
г. Ессентуки, ул. Никольская, 5.
Заказ № Тираж: 2000 экз.

ГОВЬЯВЛЕНИЯ

В соответствии с Законом Российской Федерации от 26 июня 1992 года № 3132-1 «О статусе судей в Российской Федерации» Квалификационная коллегия судей Республики Ингушетия объявляет об открытии вакантной должности председателя Магасского районного суда Республики Ингушетия и 1 вакантной должности судьи Малгобекского городского суда Республики Ингушетия.

Заявления и документы, перечисленные в пункте 6 статьи 5 вышеуказанного закона Квалификационной коллегией судей Республики Ингушетия принимаются с «10» сентября 2026 г. до 18:00 ч. «09» октября 2026 г.

Обращаться по адресу: г. Магас, ул. К. Кулиева, д. 6, Управление Судебного департамента в Республике Ингушетия к секретарю Квалификационной коллегии судей Республики Ингушетия – Джаниеву М.Б.О.

Министерством цифрового развития, связи и массовых коммуникаций Российской Федерации совместно с Центральной избирательной комиссией Российской Федерации на Едином портале государственных и муниципальных услуг (функций) реализована функциональность цифрового сервиса «Волонтеры на избирательном участке». Сервис позволяет избирателям направить через личный кабинет на ЕПГУ заявление о необходимости присутствия волонтеров на избирательном участке в дни голосования для оказания навигационной и организационной помощи. Поступившие заявления доступны территориальным избирательным комиссиям в их личных кабинетах на ЕПГУ, что позволяет рассматривать их и учитывать полученную информацию при организации работы.

Утерянный аттестат, выданный СШ №1 с. Барсуки в 1989 г. на имя Майсигова Мусы Магомедовича, считать недействительным.

Утерянный аттестат серии №00624005047005, выданный СОШ №1 г. Назрани в 2019 г. на имя Насибова Канана Сурхаевича, считать недействительным.

Утерянный аттестат, выданный СОШ №19 с.п. Сагопши в 2014 г. на имя Эсмурзиевой Марет Хамзатовны, считать недействительным.

Утерянный аттестат, серии 06 ББ №0008648, выданный СОШ №1 с.п. Троицкое в 2008 г. на имя Аушевой Луизы Магомедовны, считать недействительным.

Спорт йоаржаярах дийцар Наьсарен кхале

Баркинхой Мурад

Спорт йоаржаярах дийцар Наьсарен кхале. Цох лаьца дувца спорта ишколай, ФОКий кулгалхошца кхетаче дайихьар кхален администрацена кулгал деча Овшанаькъан Мухарбика. Иштта цу къамаьла юкъе дакъа лоацаш хилар райсовета хьалха латта Эккажанаькъан Идрис, цун глонча Шоанахой Джабраил, АТК оаглон кулгалхо Хьоашаланаькъан Иалихан, кхыбараш.

«Гулбеннараша дийцар тахан

ФОКашка, Наьсарен кхален ДЮСШ малагIа болх лоаттабу, иштта спорт ма хулла йоаржаергйолаш малагIа хувцамаш дича дика хургда. Овшанаькъан Мухарбика, массанега ладийгIа, дIахо кхоачашде деза декхараш белгалдир. Ала деза, Наьсарен кхален ФОКашкара, берий, кагирхой спорта ишколашкара спортсменаш тайп-тайпарча яхьашка толамаш доахаш, кхалера къонабараш спортаца бувзам болаш болга дIахайташ хьабоагIилга», - дийцар «Сердалога» Наьсарен кхален администраце зарбан болх лелабераша. Спорта ишколашта кул-



гал дерашта хьалхашка латтача лоархIамеча декхарех да, ма хулла кагирхой спорта юкъебоалабар, царна спорт езаялийтар. Лакха говзал йолча, хIетта болалуш болча атлетий оагIув хьал-

лоацаш дIабахьа беа болх ба из. НачIал долча берашта къаьстга чIоагIа терко е еза доккхача толамашка бугача наькъ тIа дIахIоагIбала, шоай хIама тоаде.

ГIалгIайчен тхэквондиста ЯхьяевгIар Билала олимпийски оагIув чIоагIъеш латт

Оздой Иийса

ЯхьяевгIар Билал халкъашта юкъерча класса спорта мастер яха цIи йолаш ва, цо яккхар Гран-при дунен сере даькъ тIарча паратхэквондох борза майдилг. Яхьаш дIахьош яр Кьулбехьен Кореерча Мужу яхача шахьаре. Лакха дозал долаш (K44 яхача категоре, 80 кг совгIа), российский латархо коталон моттиг яккха лаьрхIа вар, цо шиь котало яккхар; Бразиле, Ирана мехкашкарча спортсменашца яхьеваьнна.

«Ах финал йолаш, тренерий штабо лаьрхIар, спортсмен турнира тIара йоваккха, цун чов кхы а чIоагIарIа кIоагIлургьа, аьнна, хеташ. Цу тайпара, борза совгIат, иштта 2028 шера хургдолча Олимпийски ловзарашка ваха таро луш йола очкош а хилар цун. Ши кIира кхы даьлча, Билала аргIанарча халкъашта юкъерча яхье хила веза. Из дIахьу Лондрин яхача Бразилерча шахьаре», аьлар «Сердало» газетага ГIалгIайчен спорта Министерстве.

Олимпийски ловзарашка вахара хьал кердача боарам тIа до-

алаш доарIа. ХIанз хIара атлета лоархIаме да моллагIа йола спорт дIахьош хилар. Дика дайихьача яхьашка, хIара яккхача майдилга лакха мах бола очкош яхь, цо вуг спортсмен лаьрхIачунга - 2028 шера Лос-Анджелесе хургдолча Олимпийски ловзарашка.

Ший хьехамчас кулгал а деш, из чоалхане никь укх дий шера дIахьош ва ЯхьяевгIар Билал. Тренера Кьамурзой Ахмада тIахьожам лоаттабу тренировкашта, ше кхевеш вола спортсмен дунен спортага, 2028 шера хургйолча Олимпиадага кхоачаву цо.



ГIалгIайчен къонача латархоша 24 майдилг яккхар, Шолжа-ГIалий тIа дIайихьача яхьашка

ГIазданаькъан Ахьмад

ГIалгIайчен Илдарха-ГIалан спортини ишколе Юмалураша лакха толам баьккхар латара даькъ тIа. Шолжа-ГIалий тIа мехкашта юкъера ший лоIамеча лата-

рах яхьаш дIахьоча гIалгIай спортсменаша 24 майдилг яккхар.

«Шоай гIулакх дезаш болча тренераша Осканаькъан Iамархана, Борзенаькъан Ахьмада кулгал а деш, Илдарха-

ГIалан латархоша тайп-тайпарча дозалех 24 майдилг яккхар. Цига иштта лакха толам баккхарах, цар таро хилар яхье юкъарча тоабан хьалхара моттиг яккха», - аьлар «Сердало» газетага Илдарха-ГIалан администраце зарбан

болх лелабераша.

ХIара толама тIехьа латт боккха къахьегам, иштта йоахаш я дошо, дото, борза майдилгаш. Бакьда шоай низах тешаш а, кийчо дика яь а бар вай спортсменаш, цудухьа кхаьчар уж коталонга.